



60

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

C40-4514

了翁上座請大歲及百
家書置武州紫雲山
我微笑塔院庭府中未
為學者不敢詩出院內
當山二世鐵牛機護謹



B 64853



雪嶺禪師語錄序

大師自乙亥春爲黃海岸余集生諸居士驛駱奔趨雙徑強之開堂登祖位說法王法出世大事因緣實始此前此從雲門石頭上得正句後誅茅高峰雙髻者六載從荆溪龍池叅幻和尚受具戒

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

更名記蔚後曳杖徑山千指者二十餘載活埋歲月嘯傲烟雲若非鐘樓生耳佛殿懷胎那肯容易許人出世既從徑山而金陵靜明而廬山開先而長明能仁而濟生院祇陀林而越州顯聖四明景德而荆溪南嶽而光溪天王而檮李

東塔而雲間勝果頤浩而究竟未後一着於雲門悟道石之地時在丁亥遡前乙亥僅越一紀而坐東南大道場者十有餘會結冬者四期其間龍池埽塔天童封塔許大奇特機緣在語風老人分中只當一頓家常茶飯耳若夫正令高

提孤情絕照宗風，流暢響振諸方曲。
 終撒手，獅絃尤勁何待語。錄馳布而後塗
 毒，發聲哉積年落索遭此刼。灰正好散
 歸龍藏，乃有獅聲珠公復爲之摭拾編
 次。俾得遡流知源，披枝見本而吾友葵
 石居士昆季還念疇昔，皈依道誼因捐

資壽剖劂與天龍，神鬼及海內有眼無
 眼人共矜式之將無被老人嘗寂光中
 捉，臭大笑乎何笑笑眼前伶俐禪和略。
 得出頭吐氣便教白，昞黑字充棟汗牛。
 其爲水母眼鸚鵡舌者多多許矣的的
 消隕虛空超越佛祖爲眼裏筋舌中骨。

撰述

卷之三

者幾人卽不乏真實叅悟歷代師承如
玄圃積玉鮫人泣珠其爲珠玉則同而
趙璧之連城隋珠之照乘若老人之殺
活縱奪賓主全融擺壞鎖韁不求伴侶
者幾人倘遇波斯胡定知毫釐千里也
不慧隨侍盤桓歲歷四紀不曾向佛法

中作一合頭語今日何能饒舌贊嘆一
辭獨念老人能掃三千大千世界衣拂
影子那能斷威音王以前水乳消息不
牽自肯只今當問之徹崖獅聲兩公與
葵石居士因繫以頌頌曰雪老臭孔撩
天公案出語爲風着手便判世界小兒

機述

唐宋元詩集

是非莫管祖令孤行青獅活現厥謐云

何宗壇鐵漢

曹溪受法弟子福徵譚貞默槃談謹書



雪嶠禪師語錄目錄

序文

開堂疏

第一卷

上堂

附語風辭請錄

第二卷

上堂

上堂普說

第三卷

小參

撰述

晚參

茶話

示衆

開示

法語

第四卷

參請機緣

問答機緣

佛祖偈贊

附贊

自贊

頌

垂問龕頌

偈

佛事

書問

歌

第五卷拈頌古

第六卷道行碑

60 1 2 3 4 5 6 7 8 9

70

80

90

撰述

雪嶠禪師語錄目錄

11

雪嶠禪師語錄目錄終

衆護法請開堂疏

伏諭宗門一路久矣線道不通日午打三更留黑白
未分之消息連夜日頭出少常住不動之師承擬掃
塵妖當宏利濟恭惟雪嶠大和尚猊座宗無所宗法
本無法空中伸巨臂搘斷從上諸佛祖鼻梁身畔現
韋馱打屏五百比丘踪影古雲門三字見凡聖於一
家爛豆渣半升闢艸萊乎雙髻呵斥諸方從無當意
輕許可撈漉群趣不將佛法當人情語風提唱照地
光天廬山開先懸崕峻壁七十五燈俱是火掌握薪
傳百十三昧悉真空口吐血脉欽震旦之將登獨坐

60 1 2 3 4 5 6 7 8 9

70

80

撰述

雪舟錄卷金身一

適福城之現缺主人伏祈大和尚小遊戲而飛錫肯
來大踏步而折葦卽至庵也打佛也打堂堂見性明
心明頭來暗頭來的的攔胸劈面獅王出窟俾萬獸
之潛形金翅分波使諸龍之斷命一切衆生胥擁戴
十方賢聖悉依皈谷等臨啓曷勝企佇顚誠之至
崇禎十六年夏月禾城曹谷譚貞默朱茂時汪挺高
承延朱茂凋王起隆兩邑護法士紳等仝跋

徑山雪大師住東塔語錄卷第一

叅學門人

弘歇

弘珠等編

茂凋

嘉禾弟子

朱茂時較梓

彝叙

師於崇禎癸未夏荆谿受嘉禾東塔請至仲秋八月
初八日進院十五日曹石倉譚埽菴朱葵石汪爾陶
譚閻仲高寓公沈甫受朱子藻子葆子容李珂雪孫
培菴吳水原孫起伯朱範臣欽臣廸臣王季延嚴輒

60 1 2 3 4 5 6 7 8 9

10 1 2 3 4 5 6 7 8 9

撰述

聖方略卷第十一

轉同合山大衆暨諸護法士紳等請就本寺開堂
師陞座云東塔寺前問水神相逢盡作帝鄉人故園
田地如何會一喝分眞介主賓拈香云此一瓣香根
盤靈鷲價重坤維卷之則千巖截流放之則六合彌
豐堯向寶鑪端爲今上皇帝聖躬萬安惟祈邊邦寧
謐海不揚波士農工商咸沾化育此香供養華嚴會
上清涼澄國師復拈香云此香供養禹門幻有先師
大和尚用酬法乳歛衣就座白椎竟舉仰山問中邑
洪恩禪師云如何得見佛性義恩云我與汝說個譬
喻如一室有六窓內有一獮猴外有獮猴從東邊喚

猩猩卽應如是六窓俱喚六窓俱應仰山禮謝起
云適蒙和尚譬喻無不了知祇如內獮猴睡着外獮
猴欲與相見又且如何恩下繩床執仰山手作舞云
猩猩與汝相見了譬如蟻螟蟲在蚊子眼睫上作窠
向十字街頭叫云土曠人稀相逢者少師云若無仰
山後語幾乎獮猴個個無尾巴諸人要見佛性義麼
漁船上檻櫓堆頭有下座

八月廿九日譚埽菴誕日設齋請上堂師云佛身充
滿於法界到不得者裏普現一切羣生前太勞勞生
隨緣赴感靡不周還見麼而恒處此菩提座掀翻他

撰述

雪舟御詩錄卷一

二

窠臼有明眼者出來簡點看僧問如何是向上一乘
師云塔尖峰頂如何是向下事師云幡竿動也意旨
如何師云地藏菩薩問擊碎東塔踏翻太湖且道此
人具甚麼手眼師舉如意示之進云拋却德山棒放
下臨濟喝還有爲人處也無師云到得這裏麼

序東徐居士薦母請上堂古人道父母非我親誰是
最親者諸佛非我道誰是最道者父母旣非我親畢
竟誰是至親有伶俐衲僧出來道看一僧纔出師珍
重下座

結制上堂師云結制無有他爲切念生死大事到此

禪堂不得東語西話不得亂想胡思一心正念提起
話頭看個父母未生前那個是我本來面目若不苦
心參究受他施主供養滴水難消切須仔細

甲申元旦諸護法暨大衆請祝聖上堂師陞座拈香
畢乃云且道新年頭佛法如何舉揚村村蠶麥熟處
處稻花香忽聞爆竹聲隨云爆竹一聲天地老塔前
無處不光輝卽此是法卽此是道大衆久立珍重
恒輝禪人供衆請上堂古者道平嘗心是道喜怒罵
詈咳唾掉臂無非是祖師西來大意此事不論初機
晚學只要一個信得及若是夙有靈根猛自提撕忽

撰述

雪舟傳錄卷一

然正眼豁開方見老人眉毛端的
臘八日譚埽菴居士爲薦誥封夫人徐氏請上堂師
陞座維那白椎竟師喝一喝什麼第一義第二義今
日埽菴居士爲亡過誥封夫人徐氏曾於病中發心
請老人說法普利一切夫說法者聽法者如夢如幻
無有是處而徐氏夫人仗此勝因超生天界作天眷
屬不墮人間受諸苦惱平坦坦地佛祖安身立命之
處喝一喝云者裏是甚麼所在容伊着脚經云諸佛
智慧甚深無量其智慧門難解難入復喝一喝云什
麼智慧門只消一個乾屎橛擊碎流出一切麻三斤

庭前柏樹子三玄三要五位君臣有句無句打作一
串不消老人一拂化爲微塵久立珍重

解制陸登之居士請上堂師陞座云結制解制爲個
甚麼祇爲當人脚跟下一段大事不明如大火聚不
得清涼所以道十方同聚會個個學無爲此是選佛
場心空及第歸一期過了堂中不見一箇半箇雖然
且喜太平良久云一二三四五六七萬仞峰頭獨足
立問伊你更是阿誰我是人間白拈賊遂喝一喝云
十字街頭撞着馬相公與你索飯錢你作麼生祇對
衆無語師云老人與你代一轉語春風日日到園林

撰述

西漢書金石錄

四

夜夜面南看北斗

到雲門顯聖請上堂喝一喝云法王法座如此如彼
 三宜上座同季超祁居士請老人登此猊座不免乘
 時拈出普告大衆老僧昔拈靈樹不無其繇蓋主法
 者不嚴聊借此以見志况先年三登禹門機緣歷歷
 可考此乃沿流不止嫡親嫡故無敢違者若也竟拈
 靈樹則辜負禹門若也竟拈禹門則辜負靈樹今日
 人天衆前援轉船頭順風把舵去也遂拈香云卽此
 供養直隸嘗州府宜興縣荆溪禹門幻有先師大和
 尚從此不敢辜負就座乃云去聖時遙宗門紊亂必

須洞達心宗庶不虛生浪死若也不悟自心終日尋
 行數墨了沒交涉於今目前依草附木者豈達磨一
 宗乃糟粕耳假我衣裳名是比丘豈千聖不傳之旨
 如此容易者哉佛法不直半文矣諸仁者趨色力強
 健時討箇分曉莫待眼光落地業識茫茫平日說禪
 說道豎指伸拳到恁麼時你還作得主去麼喝一喝
 云啼得血流無用處不如減口度殘年下座

荊谿語錄

崇禎十六年四月廿六日師至龍池掃塔荊谿吳九
 叙居士暨禹門大衆等請上堂師至座前喝一喝遂

60 1 2 3 4 5 6 7 8 9

10 1 2 3 4 5 6 7 8 9

撰述

續高僧傳

三

陞熏風自南來殿閣生微涼倦來困一覺何必好眠
牀此一瓣香耑爲當今聖君皇帝惟願道心永鏡太平天下令十方法界衆生各各安樂自在次拈云此
香供養本山前代一源禪師復拈云此一瓣香供養
卽此禹門堂上嗣臨濟正宗幻有先師大和尚用酬
法乳之恩歛衣就座白椎云法筵龍象衆當觀第一
義師乃云佛法正是衰替時節各宜努力以求出世
人人埋沒多生今朝若不透徹何時解脫不見南嶽
讓參六祖云甚麼物恁麼來讓不會經八載便對六
祖道說似一物卽不中祖云還假修證也無讓云修

不無污染卽不得祖云只此不污染諸佛之所
護念汝旣如是吾亦如是善自護持者箇一物卽不
中便是六祖大師本來無一物合轍之語所以祖祖
相傳佛佛授受與達磨大師正法眼藏合文合節若
有半字差異卽同魔外何爲臨濟正宗也白椎云諦
觀法王法法王法如是師卓拄杖下座

天童景德禪寺諸護法同合山大衆請上堂師陞座
呵呵大笑且道笑箇甚麼笑那無舌人善能解語喝
一喝云不必重打葛藤湏向未舉以前會取若論此
事盡大地拈來在老人一毛孔中着不滿諸佛心印

60 1 2 3 4 5 6 7 8 9

10 1 2 3 4 5 6 7 8 9

撰述

卷之二

不從人得旣不從人得難道從牆壁瓦礫得旣不從
牆壁瓦礫得難道從地水火風四大五蘊喜怒哀樂
而得豁開自己正眼炤天炤地始知不從人得如啞
子擘黃爪向人道不得遂鼓兩臂作獅子奮迅勢云
獅子遊行不求伴侣喝一喝下座

上堂喝一喝云斬開碧落百花新扶起山門兩位人
古殿雖殘雲不老燈傳白月夜精神四明鄞邑乃老
朽故土爲送天童和尚入塔蒙城中士紳留住數日
此乃鄉情眷眷陸敬翁長者相招同到天王古刹并
遊勝地此寺創自晉代至宋元重修雖然山門殘替

門前光景如舊自有人天安排諸人者要識自家本
命元辰着落不必他求逆順境緣消歸自己人命無
嘗不與人期一氣不來便同土塊今日老人談話原
非別事如來出世爲衆生沉溺生死苦口叮嚀撥動
上頭關捩欲令衆生得入此門又勞他達磨大師到
我震旦傳佛心印直指人心見性成佛之旨今幸長
者請登此座重爲舉揚俾益四衆知脚跟下有此一
段光明諸仁者急須諦審休將閑學解埋沒祖師心
珍重

乙酉改元三月十七過雲間超果寺監院知一靜主

60 1 2 3 4 5 6 7 8 9

10 1 2 3 4 5 6 7 8 9

撰述

卷之三

紹源并各山大衆暨合郡檀護請祝聖上堂師陞座拈香云此香非陰陽造化之所成亦非金木水火土之所生爇向爐中端爲祝延今上皇帝聖躬萬歲萬歲萬歲伏願堯風永扇於大明舜德普聞於沙界闔朝文武公卿尊崇祿位遠近檀那均斯法化遂歛衣就座僧問如何是衲僧本分事師便打進云除却棒請師再道一句師復打僧禮拜起便喝師連打問雲門普趙州關卽不問祇如乾坤未立世界未形時主人公向何處安身立命師云念言語漢云恁麼則鶴棲無影樹花發不萌枝去也師云芽生也乃云暮

春三月好風光盡見遊心自面郎國界無虞今日定夜深皓月照長廊豎拂子云卽此用離此用復震威一喝云此是馬祖陳爛葛藤不勞拈出今日打些新鮮葛藤與大衆結緣會麼若論者事三世諸佛無下口處歷代祖師結舌有分何故法如是故祖師出世蓋爲一切衆生沉淪苦海墮落五欲所以開方便門接引愚癡咄言多去道遠矣還有問話者麼僧問如何是大師方便門師以拂子畫一畫云會麼太平日月光天德一統山河壯帝居久立珍重
上堂七十五年何處來燈籠生脚上天台癡人知道

60 1 2 3 4 5 6 7 8 9

10 1 2 3 4 5 6 7 8 9

撰述

雪舟筆記

我來處三月菜花歷路開老人于甲申八月被業風
吹入雲間承衆居士供養數月監院一輪同衆檀恭敬
請金澤順浩禪寺說些閒話且舉現成公案與大眾
商量乃云昔日圓悟禪師參五祖演和尚聞舉小豔
詩云頗呼小玉原無事只要檀郎認得聲乃出方丈
見鷄飛上欄杆鼓翅而鳴豁然大悟作偈云寶鴨香
消錦繡幃笙歌葉裏醉扶歸少年一段風流事只許
佳人獨自知爲甚麼只許獨自知聲老人今日爲他
下箇註脚鷄寒上樹鴨寒下水雖然如是逗漏不少
復舉臨濟和尚道有一人論劫在途中不離家舍有

一人離家舍不在途中此二人那箇合受人天供養
顧侍者云喚這二人來與老僧洗脚此事人人脚跟
下乾乾淨淨無有絲毫泥水只爲耽着五欲從迷入
迷喚作衆生所以雜華偈云毘盧遮那佛願力週沙
界一切國土中恒轉無上輪今日盧舍那佛在徑山
拂子頭上轉大法輪去也遂擊拂子召大衆云還聞
麼豎云還見麼且道聞底事作麼生衆無語代云如
是我聞便下座

弟子教忻教守教果等請上堂乘言者喪滯句者迷
古人已道破了也何故要你向自性三昧海中狂波

1 2 3 4 5 6 7 8 9

濶浪裏轉身吐氣始有說話分雖然更須向深雲窮
谷養得純純熟熟方可出來人天衆前舉揚箇事光
耀祖庭瞻之仰之庶不幸負達磨大師西來一番辛
苦若也不然只是箇蝦蟆田雞亂跳亂叫成得箇甚
麼邊事乃大笑復云笑那吳山端獅子見弄獅子得
悟後有老僧譏他道鄉裏獅子鄉裏弄眼睛鼻頭一
齊動假饒弄到帝王前也是一場乾打閑有時上堂
云佛法無可得說不如打箇觔斗便下座今日徑山
在頤浩上堂也無獅子弄也不打觔斗說些平實話
接物利生且道如何是接物利生句禪叅須實叅悟

須實悟有僧出禮拜擬問師便打僧云某甲話也未
問師云待你開口成得箇甚麼便下座

上堂今日登此寶座爲本鎮居士持貲供衆請老人
說些佛法普利羣生諸仁者莫瞌睡惺惺着眼前山
林池沼無非是你故宅只爲離鄉太久所以不得受
用良久去樂云樂云鐘鼓云乎哉禮云禮云玉帛云
乎哉卽此見聞非見聞無餘聲色可呈君箇中若了
原無事體用何妨分不分卓拄杖云離中虛坎中滿
住越州雲門寺語錄

上堂雲門有一奇特事從曠大劫來無人動着今日
東京大学総合図書館所蔵

60 1 2 3 4 5 6 7 8 9

10 1 2 3 4 5 6 7 8 9

撰述

金剛經註解

分明舉似大衆良久云忘却了也曳拄杖下座
荆門上座出關請上堂春秋三度掩柴關無事於心
不放閒今日聊通一線道踏開烟水入深山旣是出
關合該逍遙山水於石橋啜茗焚香於溪閣爲什麼
又要入山嚮爲他途路不得力
結制上堂欲知佛性義當觀時節因緣時節若至其
理自彰大衆今日是甚麼時節舉拂子一拂云雲門
老古錐出世也地搖六震天雨四花且道有何祥瑞
五雲山下青獅子曳尾搖頭弄爪牙遂喝云這畜生
休作恠要騎便騎要下便下

師誕日解制上堂老人自住雲門已來不曾動着一
步不曾揩着一辭今日幸遇解制打開長汀子布袋
放出百千萬億光明雲將五湖四海衲子而爲眷屬
使歷劫多生父母俱超樂國以拂子打○云會麼盡
十方世界是燃燈古佛光明門盡十方世界是釋迦
老子總持門盡十方世界是普賢菩薩行願門盡十方世界是
脫門盡十方世界是文殊師利法王子般若波羅蜜
門盡十方世界是普賢菩薩行願門盡十方世界是
一切修多羅差別義海門盡十方世界是凡夫衆生
四生六道微細極微細昆蟲蚤虱生滅門乃喝云今

日雲門解制猶如螃蟹去艸縛橫行直撞切須仔細
倘遇無厭足王莫道我是雲門解制來若道着被他
一棒打折你驢腰莫言不道

附語風辭請錄

崇禎甲戌十月十一日衆集于指菴請徑山開堂師
辭衆曰今日承大檀鄉紳暨唐祈遠居士起緣爲首
閔裴卿居士率衆拜請請語風出世非惟大檀鄉紳
居士請語風出世又復諸山大衆請語風出世非惟
諸山大衆請語風出世又復本山各大衆請語風
出世非惟本山各房大衆請語風出世又復開山國

一大覺祖師無上禪師法濟大師大慧杲妙喜老人
別峰禪師塗毒禪師乃至八十七代住持大和尚請
語風出世非惟開山國一大覺祖師無上禪師法濟
大師大慧杲妙喜老人別峰禪師塗毒禪師乃至八
十七代住持大和尚請語風出世又復本山護法伽
藍廣澤龍王雙髻周宣靈王靈山授記十八位伽藍
請語風出世非惟本山護法伽藍廣澤龍王雙髻周
宣靈王靈山授記十八位伽藍請語風出世又復主
山神主地神主空神主林神主風神主海神主江神
乃至鬼神等請語風出世非惟主山神主地神主空

神主林神主風神主海神主江神乃至鬼神等請語
風出世又復梵天帝釋天韋天乃至無想天非非想
天三十三天諸天神衆請語風出世非惟梵天帝釋
天韋天乃至無想天非非想天三十三天諸天神衆
請語風出世又復乾屎橛麻三斤柏樹子青州布衫
胡餅請語風出世請出世作甚麼庭前生瑞艸好事
不如無諸人豈不知徑山祖庭從唐宋至本朝宣德
二百年來宗風閑寂祖道不行賴有本山各房接管
香火方得殿宇廊廡煥然一新若論今日請語風出
世爲衆說法利濟衆生沒交涉你看那箇是衆生記

得圓通訥禪師云長安風月貫今昔那箇男兒摸壁
行家家觀世音有路透長安若箇今日出世求名^名益
天下久矣把手牽他行不得惟人自肯乃方親按牛
頭熒艸決使不得良久師舉雲門到雪峰莊見一僧
乃問上座今日上山去那僧曰是門曰寄一則因緣
問堂頭和尚祇是不得道是別人語僧曰得門曰上
座到山中見和尚上堂衆纔集便出握腕立地曰這
老漢項上鐵枷何不脫却其僧一依門敎雪峰見這
僧與麼道便下座攔胸把住曰速道速道僧無對峰
拓開曰不是汝語僧曰是某甲語峰曰侍者將繩棒

60 1 2 3 4 5 6 7 8 9

10

9

撰述

來僧曰不是某語是莊上一浙中上座敎某甲來道
峰曰大衆去莊上迎取五百人善知識來門次日上
雪峰峰纔見便曰因甚麼得到與麼地門乃低頭從
此契合若論今日請語風出世卽是著語風在鐵床
裏使我動不得隨人使喚被人指揮如案頭猪肉斬
斷由他何苦得語風三十年來不曾受人拘束但饑
來喫飯困來打眠逍遙遙林間步武自由自在何
苦得要我出世出世是大惡業事放我在地獄裏去
你看那箇是爲生死的甚麼喚做生死汝等不如歸
去好語風決決不出世不出來謾神謹鬼有甚麼干

實無利益直饒截我語風頭去寧作無頭人亦不隨
汝等脚跟轉不如歸去好大衆跪久不起師瞽然裴
卿閔居士云大師雖未登座說法已竟

十三日衆再請再辭前日說竟了今復何爲又勞大
衆來此衆云世尊三請方說法師曰世尊眼花及至
道箇止止不須說早已逗漏不少有甚奇特若向衲
僧門下好與三十拄杖衆再四師曰稅不重科又曰
再犯不容乃舉雪峰妙湛和尚示衆一切法無差雲
門胡餅趙州茶黃鶴樓中吹玉笛江城五月落梅花
慙愧太原孚上座五更吹鼓角天曉弄琵琶語風也

有兩句一切法無差鶴鳩對老鴉生臺爭飯喫打得
亂如麻有約不來過夜半閒敲碁子落燈花慚愧西
湖保叔塔六橋煙雨夕陽斜珍重師便轉身衆候良
久散去

徑山語錄

崇禎乙亥歲三月初三日司理黃海岸居士請徑山
開堂

三門喝一喝云惟有一門而復狹小豎拂子指門云
莫得就是這箇門那巍巍堂堂輝煌煌入此門者
如獅子王復喝一喝二位力士證明

彌勒殿喝一喝云喚你作彌勒又是布袋和尚喚你
作布袋和尚又是彌勒畢竟如何一彩兩賽

韋馱殿韋天韋天還記得湖州弁山多寶寺苦告你
因緣麼遂禮拜云珊瑚枕上兩行淚半是思君半恨
君

伽藍殿廣澤龍王不忘靈山之付囑發菩薩心捨官
殿爲國一祖師伽藍今當現身而去垢莫假瞌睡以
蒙董豎拂子指龍王厲聲云汝當護法

祖師殿會麼坐得骨癪生脈不知冷暖八十七人成
羣打哄大似守屍冤鬼喝一喝云開

60 1 2 3 4 5 6 7 8 9

10 1 2 3 4 5 6 7 8 9

撰述

卷之三

佛殿云稽首瞿曇黃面老爺離言說相離文字相離
心緣相畢竟平等這箇說話與我付之海外遂陞座
卓拄杖三下拈香云此一瓣香恭惟北闕之至尊上
祝南山之萬壽扇堯風於千古布舜德於今時惟願
邊疆平靜國界安寧斂衣就座乃云今日時逢三月
三黃司理請老人爲衆舉揚且道舉揚箇甚麼威音
王那畔更那畔這一着復拄杖一下云大衆還會麼
還有人出來問話麼勿得辜負居士一副熱腸此事
人人具足箇箇圓成居士出衆問云如何是箇箇圓
成的事師云好與三十棒會麼日輪西墜夜月東昇

卓拄杖下座

司理黃海岸居士爲封公壽誕請上堂師至座前作
女人拜云稽首須彌山王以拂子指座云此乃八十
七位所坐的曲角木牀老僧今日不敢違時失候照
例施行就中一句作麼生道還有人道得麼若無老
僧自道去也遂陞居士禮拜問云八十七代燈燈相
續祖祖相承大師今日且道如何爲人師豎拂子乃
云四月今晨最吉祥托來鐵鉢古風香海岸道人知
此意高遷爵祿捧霞觴門裏出身易一聞千悟有甚
麼難身裏出門難坐却白雲宗不妙從天降下則貧

60 1 2 3 4 5 6 7 8 9

70

9

撰述

窮如人數他寶從地湧出則富貴擊偏擊等偏擊動
偏動等偏動吼偏吼等偏吼正恁麼時山門頭撞着
善財童子五十三位大菩薩各各手持華幔幢幡寶
蓋珊瑚瓔珞珍寶等物外有無根樹一株叫不應山
谷一座無陰陽地一片老僧問伊道擔荷許多骨董
到此作什麼菩薩答云相聞黃封翁八旬壽誕特來
慶賀老僧云難得菩薩遠來遂喝一喝云莫作一喝
會聊爲菩薩買草鞋豎拂子云見麼若也見擢瞎汝
眼若也不見眼在甚處問答不錄擊拂子下座

大中丞余集生居士請上堂白椎畢師云若論第一

義向悉達未生時會取一切衆生無明煩惱中會取
四生六道驢胎馬腹中會取今日朝暘峰頂千僧閣
下不行妙喜老人走過的路不飲妙喜老人喫過的
水老僧別有一段家風作麼生是老僧家風江月照
松風吹永夜清宵何所爲佛性戒珠心地印霧露雲
霞體上衣此乃永嘉大師受用的非惟永嘉受用卽
是老僧受用何以故道道相同祖祖相授若是已事
未明心地不亮顛顛預預懶懶洞洞未免向驢胎馬
腹中作活計去也良久云一槌擊碎珊瑚月大地山
河是阿誰僧出問云如何是祖師關師云過不得云

未過關如何接師云立云已過關如何接師云坐云
總不恁麼時如何師擊拂子兩下云大師卽今在何
處安身師云蠟燭兩行排僧禮拜云恁麼則學人有
賴去也師云錯問中心樹子請師舉示大眾師云再
舉來僧擬議師便喝問古鏡重光卽不問孤峰獨露
時如何師云萬里一片雲云大風吹散時如何師云
蒼天蒼天問徑山堂上敲鐘擂鼓驚起座中獅子舞
如何是獅子舞師擲花瓶云花瓶倒地云請大師再
道師灑香灰云蘇嚕蘇嚕師曳拄杖下座

因事上堂咄咄咄徑山乃唐宋已來之徑山擊拂子

云八十七人在此經過非今日之徑山非一日之徑
山也千年常住一朝僧今朝祖令當行十方坐斷且
道還有祥瑞也無鐘樓生耳朵佛殿又懷胎海岸居
士出問云如何是鐘樓生耳朵師拈生香云會取這
箇進云如何是佛殿又懷胎師云產下也士禮拜云
須是大師說法始得師乃云今承吳江大檀同諸護
法等命老人登獅子座理荒殘之祖席扶陳爛之頽
綱這喚做狗尾續貂那管家家門前火把子釣漁船
上謝三郎卽不問媳婦騎驢阿家牽道將一句來還
有人道得麼良久云一拂擊開金殿月萬家無箇不

撰述

光明復舉鴻山云有句無句如藤倚樹踠山持此語
問鴻山值鴻泥壁次踠云有句無句如藤倚樹是和
尚語不鴻云是踠云忽狀樹倒藤枯句歸何處鴻放
下泥盤呵呵大笑歸方丈踠云某三千里外賣布卓
來和尚何得相弄鴻喚侍者取三百文錢與這僧買
草鞋去後來有獨眼龍爲你點破在踠至明招處舉
前話招云更使鴻山笑轉新踠山有省原來鴻山笑
裏有刀師復召大衆曰要見鴻山笑裏刀麼呵呵大
笑下座

海岸居士請上堂師豎拂子云也大奇也大奇無情

說法不思議彌指頃石虎咬殺青田雞燈籠露柱忍
俊不禁跨跳上鵬搏峰頂揚聲大吼且道吼箇甚麼
功德池中添箇月滿林光彩可追隨舉臨濟和尚云
有一人論劫在途中不離家舍有一人離家舍不在
途中那箇合受人天供養師云這箇語話大似掩耳
偷鈴瞞人自瞞諸人要識這兩箇人麼餘杭紙貴一
狀領過

60 1 2 3 4 5 6 7 8 9

10

80

1 2 3 4 5 6 7 8 9

概述

卷之二

六

雪大師住廬山開先語錄卷第二

參學門人

弘歎

弘珠等編

茂凋

嘉禾弟子朱茂時較梓

彝叙

師於崇禎己卯仲秋受西江請越明年庚辰三月初
二日進院

大殿喝一喝云本自無言莫傷齒牙

伽藍目視云本該禮拜今日老僧沒氣力

60 1 2 3 4 5 6 7 8 9

70

8 9

撰述

卷之二

三

韋天韋馱尊天隨處見你你也思量我我也思量你
你我思量無彼無此

達磨徑山今日來也復搖手云不必攢眉據室大眾
請下語師云這箇方丈是我坐的有甚麼說衆乃禮
拜挂鐘板從上以來叢林號令今朝吉日良時挂此
鐘板願我堂中千百億衆箇箇如龍若虎得諸佛機
古人云銅頭鐵額漢盡在我山中遂擊板一下
初四日現任護法暨合山大眾請上堂師至法座前
以拂子打十字喝一喝云諸佛心印莫若於此便陞
僧出問大師舟中踴躋之勞卽不問且道一口吸西
盡

江水時如何師云露出你這野狐精僧擬進語師云
且過一邊着僧禮拜退維那白椎云法筵龍象衆當
觀第一義師乃云匡廬開先荒涼久矣諸護法宰官
黃海岸居士等書來徑山三回五度老人卑志不欲
出世無奈他何捉猪上樅大都不得已而應箇時節
也諸人應自思惟六根門頭縱橫妙用莫將眼來見
色便是汝之真見當知此眼之外別有正眼此耳之
外別有聰耳不可耽着五欲遷延歲月增長無明無
常到來阿誰替代眼光落地打發不去今見老人到
此急急理料衣帶下事他日黑面老爺捉將去佛也

60 1 2 3 4 5 6 7 8 9

80

撰述

三才圖會卷二

二

救你不得白椎云諦觀法王法法王法如是下座

吉安府首龍居士發心造殿設齋請上堂一字相聞
忉利天盧山荒寺在開先喜逢他日成金殿萬指同
參來復禪這位居士發心久矣親近善知識求無上
妙道日誦華嚴經念念見佛心無別求發大誓願世
世生生願爲居士生死海中利濟多方捨身受身廣
度苦惱所謂毘盧遮那佛願力周沙界一切國土中
恒轉無上輪復高聲云且道無上法輪作麼生轉莫
是撞鐘擂鼓梵唄聲麼莫是山河大地草木叢林麼
莫是黃鳥青禽吠茅叢芻狗麼莫是千尋瀑響雙劍

峰頭麼諸仁者體會好是箇甚麼道理不見華嚴經
云刹說塵說熾欣說無間歇法無依故無內外故無
去來故還會麼諸仁者一切衆生徹內徹外頂天立
地皆在盧舍那佛光明中着衣喫飯香水海裏遊戲
出入或說有法或說法忍或說貪欲或說寂靜或說
利生衆生在裏許總之不知不覺何以故生焱海中
晝夜黑暗故不信自己所從來惟人我故不知三惡
道充滿世間自會快樂故華嚴法界不可說不可說
不思議故互攝刹塵寬廓非外寂寥非內童子身中
入正定童女身中從定出實不可思議惟證乃知秉

60 1 2 3 4 5 6 7 8 9

80

撰述

卷之二

三

栢大士云自他不隔於毫端始終不離於當念也良久復舉雲門下白雲子祥禪師問僧不壞假名而談實相作麼生僧指椅子云這箇是椅子祥以手撥椅云與我將襪袋來僧無對祥云這虛頭漢師復召大衆這僧既會椅子因甚又不識襪袋且道殺訛在甚麼處卓拄杖下座

新建齋堂監院請上堂喝一喝云亘古開先風景異比山何似紫袈裟無言童子分明說那箇男兒先到家復喝云易復易難復難何人施大臂斬斷祖師關雖狀猶是應世之言若論其中事遠之遠矣過此百

萬億恒河沙微塵數世界不可說不可說夢未見在何故不見道深固幽遠良久云百千雲水餐香飯盡是解黏去縛人

覺休李居士請上堂師陞座維那白椎師顧喝云有甚麼第一義第二義便據座居士出禮拜拈香云求大師爲衆發明性地示上上機令人人普沾利益師乃云諸仁者惺惺着莫瞌睡瞌睡則落鬼窟裏去不是好事須要着些精彩明白自己若不明白自己二六時中着衣喫飯總在生滅裏屍裏過日子有甚麼用處你看當時雪巖欽一見高峰便問那箇拖你从

60 1 2 3 4 5 6 7 8 9

80

9

撰述

重刊詩錄卷二

四

屍來這便是棗柏大士云性戒智海不宿死屍一切
生滅死屍至於根本智海皆爲智海無生無滅所以
貴乎見性明心喚作箇人不狀總是箇死屍前代尊
宿苦苦勸你參求知識只爲衆生以生老病死爲已
受用以貪嗔五欲爲已莊嚴便教你參箇話頭做工
夫也不是槁木死灰須求妙悟始得又無奈何說箇
庭前柏樹子乾屎橛要你言下領會不是流到今日
做箇話頭的今日順天李居士發菩提心已久到處
參訪經歷程途不得因緣今遇老人懇求出家號曰
覺休覺者覺一切煩惱死生根本了達自性圓明通
天徹地無彼此相無優劣想故金剛經云是法平等
無有高下蠢動含靈皆入平等菩提道場不變初心
祇如高超獨步擺脫羅籠一句作麼生道萬古碧潭
空界月再三撈撡始應知

海岸覺休二居士祝髮請上堂師陞座喝一喝云萬
樹秋風入院賒綠袍換得紫袈裟若干頭惱一刀盡
性海澄清不浪花一言不發萬事皆如拈香畢乃云
祝香已竟當說何法以利樂一切衆生頭出頭沒苦
惱有情不知此道湛寂圓常卓狀眼前爲何不知皆
因五欲蓋覆甘爲下賤作持糞漢老人今日登此寶

60 1 2 3 4 5 6 7 8 9

70

1 2 3 4 5 6 7 8 9

撰述

重刊印譜錄卷二

五

座爲新城黃司李海岸發心出家非一日兩日夙植德本般若正因入我法門鬚髮自落作大比丘這事舉示人不得如人飲水冷煖自知絕後再甦欺君不得復舉石頭和尚一日命大衆剗除法堂前草丹霞捧水跪前石頭卽與荆落丹霞到馬祖處入禪堂騎聖僧項馬祖云吾子天狀便以天狀爲號開先這裏也無聖僧項可騎也無象王可騎也無獅子可騎且騎佛殿上忉利天兜率陀天與諸天子說且道說箇甚麼諦聽諦聽海岸出問云騎却獅子項時如何師云看尾巴進云如何是出家事師一喝如何是到家

事師云非汝境界云大師曾到此境界麼師以拂子打○岸禮拜云明眼人難瞞師云珍重

薦覺休禪人上堂僧問不慕諸聖不重已靈此人還假修證否師云那裏突出一竅進云上無攀仰師云且過一邊僧一喝師云再喝看僧禮拜歸衆海岸出問生從何來死從何去師云向這裏會取進云死中得活時如何師云初三十一岸禮拜師乃云嗟乎痛哉覺休纔見披剃今日又見薦亾生死路長人欲苦回頭便是涅槃山覺休此去歸何處竹色秋聲月掩關大衆無常迅速刹那易世豈得不怕墮業動流無

60 1 2 3 4 5 6 7 8 9

70

80

撰述

可據秋風依舊掩門時

遊金輪峰回大衆請上堂遊罷金輪峰歸來招隱坐
大凡一切事體須得親到方知端的向南向北若不
親到一回接耳聽來未免譖訛兼之疑情不解金輪
峰昔來耶舍尊者自西域持佛舍利造塔於其頂常
放寶光絕世珍重謂之金輪峰老人昨日去彼禮塔
今日方回實不曾動着一步諸人還見老人去來麼
若見老人出入即是諸人鬼窟裏活計何曾得見老
人良久云樹頭黃葉盡應見遠山青

結制上堂師至座前云稽首燈王如來普願微塵國

土衆生同入般若波羅蜜門且道般若波羅蜜門作
麼生入舉拂子云鑒便陞維那白椎竟師喝一喝云
四十年來恁麼行斬開碧落血腥腥其中果有希奇
事獅子遊行不問程今朝十一月朔日結制爲衆人
打些葛藤以了夙生現生來生無明窟宅生死結根
狀這箇總是閒言語一切衆生本來是佛何似雪上
加霜大衆不得動着維那白椎云諦觀法王法法王
法如是師喝云你也差我也差且無法王法也無法
王說的法今日結制古來舊規不許交頭接耳不許
亂走一步亂走一步打折你驢腰又不許作默照邪

60 1 2 3 4 5 6 7 8 9

10

撰述

禪亦不得在鬼窟裏作活計只有本參話頭切要明白離心意識參絕凡聖路學問還丹一粒點鐵成金至理一言轉凡成聖金鐵卽不問如何是丹師云大展坐具着進云還丹已蒙師指示至理一言事如何師云好似念經一般僧禮拜師拽拄杖下座

上堂師呵呵大笑如雷這一笑笑破諸佛鼻孔虛空百雜碎老僧今日頭痛不得爲你說且舉古人現成公案不着佛求不着法求不着僧求作麼生會衆無語鵠鳩樹頭鳴意在麻舍裏好與三十拄杖喝一喝復舉僧問雲門一念不起還有過也無門云須彌山

師云當時這僧若悟去將須彌山拗作兩橛免遺累今日堂中四十餘座須彌山硬骨骨逼塞殺人去不得還有會的麼出來試舉看若不會老僧爲你頌破一念不起須彌山青天白日鬼門關黃鶴樓前鸚鵡岸白蘋紅蓼血班班

蕭次公居士請上堂師陞座良久云我爲法王於法自在人天衆前說長說短有甚利益今朝爲吉安府蕭次公居士持淨資到山請老人說些淡話願其綿福壽念念禎祥天無廻轉之日輪海無逆波之湛水生生世世不昧福田作大檀越樹蓋護苾芻草安

60 1 2 3 4 5 6 7 8 9

10

80

1

2

3

4

5

6

7

8

9

撰述

安樂樂得心自在復舉昔日僧問雲門如何是和尚家風門云有讀書人來報今有人問老人如何是開先家風向他道微雲澹河漢疎雨滴梧桐下座臘月八日說戒請上堂師陞座云今朝臘月八日釋迦老子成道師起身云稽首過現未來十方諸佛賢聖僧諸代祖師皆從戒而得道復坐戒如空中呆日諸暗不能躲閃又如雄兵帥將帥不立干戈起也戒義如是戒爲成佛之基得道之源爲僧不可不受戒且道戒是甚模樣將何爲戒體戒體不屬有無等相光明橫亘十方世界若執世界是佛便有成壞去來

有善惡有分別之相不知戒無形狀故心體冤狀戒無體性故諸佛出世亦無體性自知無心是戒無爲是戒無相是戒無取是戒無住是戒無漏是戒無諍是戒無生滅是戒戒爲非道非非道非非法戒性如是果能直下受持如空作響天下皆聞又如雷聲振地遠震十方菩薩子耳聽心受當堅忍持之菩薩子五戒沙彌戒比丘戒菩薩戒諸佛成道都打這裏過離不得五戒根本根本若虛求菩薩戒皆爲枉狀自今受戒之後姪殺盜妄永不再犯成就戒香定香慧香解脫香知見香十方諸佛所遺到今日各各自已

60 1 2 3 4 5 6 7 8 9

70

1 2 3 4 5 6 7 8 9

撰述

守護大衆禮拜師下座歸方丈

透菴鄧居士請上堂唯一出問如何是第一義師云且緩緩云請更道師便喝唯轉身對居士云今日上堂特特爲居士聞居士有些見識古人云此是選佛場心空及第歸選佛場且置如何是心空及第速道速道士以袖左拂云未在士以袖右拂復座前禮拜師笑云多得的唯遂出法堂師乃云者位漢陽透菴鄧居士看華嚴經至毘目仙人執善財手善財得無數三昧向這裏打失特來開先見老人所謂欲窮千里目更上一層樓這事原非兒戲須是真參實悟不

是死丁丁雙眼看鼻頭亦不是長連床上學空頭話閻羅王到來如何打點他如今世間都是絡絡索索有許多葛藤自稱奇特瞞騙龍天似有所得問他得箇甚麼開先這裏則不狀比山當面來白拂隨手轉下座

西林一如律師請上堂師云諸人還會第一義麼喝一喝今日恁麼明日不恁麼來來去去上上下下有甚麼要緊有耳不聞圓頓教有眼不見舍那身汝等諸人作麼生會不須向外馳求當下印已而參而今人只會打妄想爭人我不肯向生死上用心其中有

60 1 2 3 4 5 6 7 8 9

80

9

撰述

大根器者決不向這裏耽擱過時如虎生角如龍獲珠逢山遇水自有方便見客迎賓拈起便用俗情世諦付之鄱湖且道楊子江又作麼生老人在裏許半月今日分明舉似

辛巳元旦上堂師至座前云昨夜鐵牛生獅子今朝滿面是光輝喝一喝遂陞莫謂古人無奇特今人奇特勝前人今朝元旦特爲慶讚當今

皇帝惟願淳風滿國德氣充方百姓謳歌太平天下柴不荒米不貴風調雨順五穀登卽此是香供養聖君萬歲萬歲歛衣就座乃舉西天目斷崖和尚

偈云大地山河一片雪日出後相見太陽一照影無踪前山後山青從此不疑諸佛祖着甚死急有何南北與西東山是山水是水喝一喝云到這裏客註脚不得爲甚如此者事人人脚跟下大須仔細如紅爐上點雪相似好則好矣美則美何方不可是歸期只爲路窮山更杳可憐墮落作奴兒珍重

解制上堂結制何如解制奇春風南北各棲遲村中乞食無些子一片饑腸一首詩六十五日前從何處來六十五日後從何處去是大神呢是大明呢正當六十五日內在此中作什麼若有相應者出來舉似

60 1 2 3 4 5 6 7 8 9

70

80

90

100

撰述

聖元御書金石錄卷二

老人爲汝證明如無壅絆娑訶今日打開布袋一任
諸人東拋西擲橫行海內假如撞着黑面老爺切莫
道開先解制來

過潯陽江州見任別駕陳司理嚴德化令劉彭澤令
謝德安令徐衆居士等捐資設齋於能仁寺爲太守
君平張公祈嗣請師上堂師至座前執疏云今日公
案不必問如何若何遂過疏云以此爲驗維那宣畢
師一喝遂陞有僧出閻師隨聲便喝云全體恁麼去
全體恁麼來阿刺刺阿刺刺一語相投善法堂百千
天子施禎祥山河永固田蠶熟處處笙歌樂帝鄉此
一瓣香耑爲當今萬德之至尊發廣大心永護三寶
闍朝文武各省官僚隨心適意滿足無疆據座乃云
諸佛出世爲衆生淪溺苦海現出若干奇特譬喻方
便欲令衆生知自性圓明本來清淨不假雕琢覩體
是佛衆生惡知惡覺如絲如麻何時能得清楚今日
張公君平清正如霜得無子乎古人云天得一以清
地得一以寧太守得一子門紹先德里輝後榮卽此
世間法卽此出世間法無二無二分無別無斷故天
上天下護法善神終不相違自狀諾諾書記大中問
大師今日舉揚爲張居士祈嗣世諦佛法如何得一

60 1 2 3 4 5 6 7 8 9

10

80

1

90

1 2 3 4 5 6 7 8 9

撰述

卷之三

三

趙兩當去師云你道釋迦老子卽今在甚麼處進云
恁麼則石筍抽條千萬枝也師云不爲分外云只如
子歸就父又作麼生師云特地一場歡中禮拜云團
園共說無生話師一喝中歸位居士問只如張公祖
多男之囑當生幾子師云兩箇進云父母未生前也
須通箇消息師舉拂子云向者裏會取云生下後如
何師云惡水薦頭澆士禮拜師云久立珍重

金陵靜明寺語錄

崇禎己卯仲冬二十五日應天大京兆錢元冲張二
無璽卿趙二瞻柱史方孩未大中丞余集生太守蔡

明藩朱向之孝廉王夢蘭張孺含文學范爾培范起
叔余子揚暨諸士紳大衆等請住靜明禪寺師至法
座前古佛堂中香一爐談玄說妙有文殊老僧到此
無言說只有門前水滿湖遂陞拈香云半夜月明時
正好相隨漁父過瀟湘葉風吹入靜明寺未免拈香
祝帝王歛衣就座維那白椎竟師喝一喝顧左右笑
云好箇第一義被維那擊得百雜碎了也且作如何
話會乃舉楊岐云楊岐乍住屋壁疎且無床舖撒珍珠不縮項不嗟
珠縮却項暗嗟吁翻憶古人樹下居今日老僧則不
狀靜明乍住屋壁疎且無床舖撒珍珠不縮項不嗟

60 1 2 3 4 5 6 7 8 9

70

1 2 3 4 5 6 7 8 9

吁高枕天明唱哩囉且道與古人是同是別會麼會
則與你一箇大窟窿不會與你一箇小窟窿乃呵呵
大笑云老僧今日葛藤留與諸方作話柄集生居士
問大師今日靜明寺開堂還有奇特事也無師云有
進云如何是奇特事師云案山高似主山云謝師答
話師云放你三十棒士禮拜問頂上開門不見身時
如何師曰劈破骷髏云劈破後如何師云血淋淋地
云如何受用師云喫茶喫飯云人人喫茶喫飯爲何
不得受用師云飯裏有沙僧禮拜師卓拄杖下座
崇禎十三年庚辰前正月朔旦石布衲余集生請上

堂師陞座拈香云今歲欣逢也大奇春風兩度上梅
枝拈香祝聖無多句國祚遐昌萬壽期就座石布衲
出禮拜云今年春王兩正月元下起元旦而復旦分
明國運長新佛運長新之兆恰值徑山大師七十初
度行化京都以希有之年遭希有之時說希有之法
從此壽國壽民兼壽世化日舒千古長春頌萬年總
在大師法輪裏轉弟子裕拈出一瓣新香特地啓請
師舉拂子呵呵大笑乃云拂子無端抹過東海躉跳
上忉利天宮觸着帝釋鼻孔帝釋打一箇噴嚏善法
堂中風窓亮隔同時放光帝釋大怒此是何人家拂

60 1 2 3 4 5 6 7 8 9

80

9

子到此放肆拂子答云我是隨徑山老人到金陵爲提唱宗旨不覺慶快冒犯天帝帝曰善哉拂子爲衆竭力拂子答云堪嗟末法之徒聰明者多見性者少鬪諍人我角立門庭惟以一棒一喝爲躲身符子擠盲亂繞謂之大機大用或將古人公案妄意穿鑿記持相似言句取辨舌快當作機鋒欺罔先聖魔昧後昆悲哉痛哉此邪法燒亂正宗時也九牛莫能挽之我徑山老人目不耐見不得已向孤峰頂上盤結草菴高提祖印號令人天豈徒狀哉帝釋大喜合掌讚云善哉拂子善說法要爾時諸天雨大香花遍散虛

空拂子歡喜作禮而退帝釋曰拂子來來我有一問寄與徑山大師如何是新年頭佛法拂子歸舉似老人答云今年蠶麥好天下太平時師良久復舉張拙偈云光明寂照遍河沙到不得這裏凡聖含靈共一家不入這保社一念不生全體現是箇甚麼六根纏動被雲遮有何不可斷除妄想重增病不必不必趨向真如亦是邪你往那裏去隨順世緣無罣礙果狀涅槃生死等空華說夢的人好與三十拄杖此是如來禪始得祖師禪未夢見在若論張拙秀才此偈則石布衲亦可入傳燈也衲出禮拜云大衆證盟

60 1 2 3 4 5 6 7 8 9

80

9

撰述

卷之二

三

師云許你是半箇聖人云那半箇禪師云三平云這莫便是雲門目機銖兩麼師云瞎云透過雲門一字關又如何師云重疊關山路云恁麼則後人斷絕去也師云何不領話衲禮拜歸衆又僧擬伸問師云去去西天路迢迢十萬餘便下座

大師壽誕濟生菴監院我空請上堂諦觀辛未年前事徹夜思量淚不乾雖狀父母未是親誰是最親者祖佛非我道誰是最道者大眾看他古人語話大似滴水滴凍老人記得小時騎竹馬三三兩兩打瓦鼓呵呵唱哩囉跳的跳舞的舞一回歡笑一回苦可

憐生逐年老去今七旬記取將來九十五咄重新拈起舊家風趙州何曾像得我豎拂子召大眾云還見老人手中拂子麼還聞拂子說法麼既不見不聞汝等尋常所用六根俱成虛妄以何爲主不見華嚴經云刹說塵說熾狀說無間歇復高聲云禁得髻根牢便休一朝何用兩梳頭大底還他肌骨好不搽脂粉也風流

庚辰二月初十日出山赴黃司李開先請卽日余集生暨諸士紳等請上堂海岸居士問如何是佛師云畜如何是西來大意師云彼彼有分如何是初生一

60 1 2 3 4 5 6 7 8 9

10

1 2 3 4 5 6 7 8 9

撰述

聖人語錄卷二

六

句師云拋不出如何是成佛一句師云誰是成佛者
如何是出山一句師云錯如何是進山一句師云開
云如何是不涉程途一句師云且禮拜着士禮拜歸
衆師乃云七十年從何處來浙江山水亦悠哉喜逢
海岸今朝至眼上眉毛不用猜諸仁者既是恁麼現
成爲甚搆他不得只爲因循五欲沉溺生歟你若猛
着精彩十方坐斷那裏見有世數短長千歲百歲衆
中還有不顧危亾善能拈頭作尾者麼試出來道看
衆無出擊拂子云今日開舖全無主顧收拾下堂閉
門打坐便下座

上堂普說

人之用水卽用得一味海水無別有水或曰此去大
海程途數量莫知幾何何得便言是大海水莫妄談
耶諸仁者有所不知我謂汝等微細分割海之因地
夫世間之水山川林沼丘壑洲潭乃至百川異流微
細一滴一勺大流小流無不全歸於海何以故海極
低極卑極廣大極平易極汪洋極忍辱極清淨不可
思議無邊無際無涯無畔第可萬派歸海而海之水
一無滌漏內藏魚龍毒蛇蝦蟹種種不可說異類差
別水獸曰海牛曰海馬曰海羊曰海猪其數無量不

60 1 2 3 4 5 6 7 8 9

10

80

90

100

撰述

可說異名不可說不可說差別眷屬何以故海之廣大人莫能知人莫能測窮量不得思議不得異類衆生各各不相知各各不相到你不礙我我不礙你水爲屋宅水爲被褥無分別無異念無晝夜皆困於海無所動搖海亦不知自稱曰海何以故以要言之海乃佛之不動智不動智廣大莫測無表無裏無去來無今古先天不有後天不無不動智者空智也空智乃諸佛諸祖之根本智何以知之根本智圓明發生差別智我說用一味海水者海無遠近故不期時隨緣發生生無相故海體常寂常寂故無生無生故曰

不動智也因其不動智海而入一切流動江淮種種差別異流嗟嗟海之靈妙不可稱贊功德不思議故現前一切衆生畢竟不知自己身心從曠大劫來無明所使執身有我出生三毒資長無明受結煩惱沉淪苦趣頭出頭沒無有了期何以故蓋謂衆生信不及故本來是佛福淺業重故無德相故障深故不知自己身心元是清淨妙淨明心出生山河大地自我真常一葉一草皆是自己之真性妙明無有別物何以故世間所有之法本不會生本不會滅經云知是空花卽無流轉因執着故有捨離故空所以圓覺經

60 1 2 3 4 5 6 7 8 9

80

9

撰述

云知幻卽離不作方便離幻卽覺亦無漸次言其前
境虛幻不實有故衆生癡執以爲實有生歟淪溺由
此而得一人發真歸元十方虛空悉皆消殞虛空本
不會生滅何勞消殞但消殞自己曠劫無明成大般
若歷劫生歟成大涅槃方知日用事無別頭頭皆是
自家珍無一法從外來無一法從內出前所說一切
水投入大海全是一味也隨意作用任性施爲不是
心不是佛不是物祖師鼻孔放向無陰陽地上一憑
風吹日炙爛壞也好不爛壞也好

自恣之日已過明晨七月初一了好清秋涼夜各各

自宜精進勇猛勿生懈怠我常謂汝等說六根無性
意識無主心似狂猿暫無一時休息冷地着眼四大
毒蛇同一舍宅若各還本根畢竟無人誰爲是我諸
仁者切莫貪安閒逗到臘月三十晚看你如何去得
老人今有箇譬喻舉似大衆須彌山畔去此四百四
十由旬其地方晝夜放光目則不見其夜人民俱見
彼方放斯光明其來久矣日則不見何以故晝有日
光不見夜即可見衆皆不決遙相告曰去此彼方不
遠我等發勇猛力精進力尋光到彼已經十載到彼
無獲不知光明從何地起更進數百里許偶夜其光

60 1 2 3 4 5 6 7 8 9

80

9

卽現如大日輪光相以從地發一切人民皆在光明中不知不覺衆人相謂曰欲得此光明畢竟有寶物在下如何得之計議三七日了無法則有地神從地湧出而相告之曰諸仁者世所希有世所難得如是信心如是勇猛如是決定如是精進我知仁者身疲力倦將欲退還我作方便令仁者獲大寶光欲得斯光明必當執持器械鉗斧鈎鋤離光明外鑿地開廣七尺深七尺諸仁者各各勇猛破土鑿地又經十年已求寶光不得心生懊惱我等既來此勞辛苦若干不顧風霜上無遮攔下無安息之地惟草莽中澹泊

經廿年矣豈可不得空手而返中有一人有大智慧得大自在安慰諸人兄弟不要退心不必疑慮只是我們用心不親切若一心開鑿拚只一生進去無有不得寶光明而歸諸仁更精進鑿地如故惟見一鐘作金玉色其光湛寂如琉璃世無可比諸人相告曰寶鐘已見不得起來奈何愁苦無量地神復相告曰諸仁者勿苦再鑿七尺下立用鉗鈎鐘中乾泥漸漸鎔化鐘頂有門向須彌山左尋金剛際水上灌中間土潤向中心用力頂穿四面土濕其上鐵索堅牢用千人萬人盡其信力齊心一扯土泥自脫鐘心自空

60 1 2 3 4 5 6 7 8 9

10

80

1

2

3

4

5

6

7

8

9

撰述

懸空無礙諸人依地神說再不生退悔各各努力手攀鐵索競共一扯寶鐘離地泥沙脫盡因地自吼響振十方十方佛祖曰今日東土衆生獲此如意寶鐘寶鐘卽作偈曰善來諸仁者欲見我全身我以沉溺土得幾千萬劫心無嗔恨故歡喜於是事今仗諸仁力出脫塵沙土心生大歡悅作大師子吼以方便力故光明始見我屢生積惡習或復貪嗔癡或生大我慢輕薄於一切或生大貢高下視諸仁者墮於淤泥中經百千萬劫今乃離此報一斷肯永斷不一亦不二

若論宗門一事甚爲希有悟此宗者直接西來穿過十方諸佛鼻孔歷代祖師髑髏無奈末法下衰依稀稀彷彿佛自稱悟道少有一兩句文字寫得幾箇字咬嚼不進的公案無縫罅的語句問他他便解說支吾此乃義學之流杜撰長老也閻羅王殿前打鬼骨髓有日在前代祖師豈無文字如六祖一丁不識說出無非文字大慧中峰語錄再要如何妙文字他是得的人胸中流出謂之般若非文字也今之所謂文字不過窓下吟哦心意識卜度得來非是般若口吐黑烟人天見過當時風穴沼禪師見南院百問

撰述

寶光閣詩錄卷之二

三

百答南院無奈伊何未後問風穴南方一棒作麼生
 商量穴云作奇特商量風穴落節也穴問和尚這裏
 如何院云棒下無生忍臨機不見師作家作家穴便
 禮拜此乃理能伏豹徑山昨問禪和子今時棒喝者
 在南院邊在風穴邊僧不能答徑山代云若論今日
 棒喝何似趁野鴨子古人云盡大地撮來如粟米粒
 大拋向面前漆桶不會打鼓普請看徑山則不狀盡
 大地拈來似箇彌勒布袋聖也在裏許凡也在裏
 祖也在裏許佛也在裏許魔也在裏許外道也在裏
 許六道四生也在裏許杜撰長老也在裏許春禽夏
 到龍池掃塔衆請普說

蟲橫橫斜斜唧唧亂啼的也在裏許只不許他動動
 一動不消徑山一捏粉碎你這些冬瓜瓠子那裏安
 身立命且道與古人相去多少毫釐有差天地懸隔
 到龍池掃塔衆請普說

多年不到龍池今得得到來掃先師幻有大和尚塔
 不妨拈出當年參請機緣某自雲門普濟寺得地以
 來住雙髻數載有瓶窑聞谷見龍池歸後過我雙髻
 道及龍池機緣次年方去參請受戒入門便問先師
 佛不見身知是佛且置如何是若實有知別無佛先
 師答云有了你沒有我某卽禮拜先師云雪嶠不得

60 1 2 3 4 5 6 7 8 9

10

80

1

2

3

4

5

6

7

8

9

撰述

老僧道次年又見先師先師豎一指問會麼我道這箇喚做甚麼師微笑自此三登龍池先師問你草鞋猶未脫也我道何處見草鞋來師又微笑某卽呈偈云數載龍池三度登重重問話舌生氷艸鞋分付虎狼去雙髻峰頭一箇僧這些機緣是從上諸祖傳佛心印的心髓樹高千丈葉落歸根豈可辜負先師宗門中事有時作賓有時作主有時賓主齊彰有時賓主雙忘此是臨濟家大機大用人天莫測但憑徑山作主諸人安得摸索近今佛法凋殘宗風凌替不知是男是女是聖是凡何敢如此錯落般若性中原

無奇特要向自己脚跟下理會得穩穩當當向青山茆屋中三十年四十年習氣自然白淨心地自在隨問隨答或隱或顯無不是祖師西來大意如今亂做者半青半黃半生半熟取辱先宗殊爲可歎珍重十方虛空衆生共有同一慧命同一性靈衆生出沒於其中了無影響衆生名字亦虛空也身心形儀亦虛空也何影像之有哉譬如幻師家套筒向十字街頭搬弄幻術拈出男女種種等形不可言無究竟不可言有了無一法原是空套子耳奇哉恠哉十方齊空而無實義衆生男女本因幻生旣稱幻生名字亦

60 1 2 3 4 5 6 7 8 9

80

9

撰述

幻幻無幻者是則名爲大圓鏡智大圓鏡智者衆生根本智也名相則有悟則全空第一義空者情無情生滅性悉皆空故所以云佛身充滿於法界衆生日用莫不在如來身中跋踏地獄天堂莫不在如來身中建立衆生死莫不在如來身中出沒往來乃至毛孔窄狹悉是如來放光說法處故曰坐微塵裏轉大法輪譬如摩尼珠隨方各見好形異形莫不現於圓滿寶相故曰天上天下惟我獨尊直饒衆生徹底悟去猶是如來佛身中奴兒婢子何況迷悶衆生坐他瘞甕中飲他殘涕奴兒婢子不亦卑乎今乃末法

下衰宗風零替何日報佛深恩擊揚祖道傳佛心印普天匝地迦葉阿難刹竿重爲扶起

若要參禪了脫生死先要辦箇久長心以悟爲期這箇事不同草草苟無真心實行饒你坐折了腰瞪破了眼總是箇騙飯吃的無主孤魂於佛法何補哉而今日前有一等假宗師口說胡話以飲食衣服爲自己受用向人前自稱悟道魔昧人家男女一般要上堂小參這瞎禿奴瞎驢瞎狗瞎野狐精瞞預諸方不知明眼人如見其肺肝教他有時薄福謝而果報現方知謗大般若如此靈驗歟後怕你不入阿鼻地獄

60 1 2 3 4 5 6 7 8 9

70

1 2 3 4 5 6 7 8 9

撰述

裏去那時你還下得語魔昧得人茶話普說得麼上堂拈古頌古徵古代古闢古得麼閻羅王只將一百二十斤鐵枷枷你出來十字街頭示衆且道閻羅王爲甚麼發嗔只爲要你改過做箇法門好人勿將欺心瞞天昧已誘引清白後生作眷屬改名改號如是黑心黑肝爲得人天師範麼還肯依徑山恁麼好話麼若肯依而改過何勞更到那邊喫許多生受又有等坐禪者影也不知功夫怎樣做亦不肯參請諸方只管在裏許趨閑打擣瞌睡睡過了日子已謂我是箇禪者可憐生又有一等伶俐而不悟者過

在他尖尖滿滿噏着一肚皮大底大滿小底小滿有如是過患所以難得其人你若要來長連床上將養無明須帶一片牛皮馬皮纔坐時便覺穩貼貼地不狀被他聖僧看不過惡發管教他鑽地洞無處在此躲根禪奴剝避禿兵到這裏十指不彈水百事不干懷現成喫了有甚慚愧嗚呼末法時杜撰宗師轉多癡眷屬轉盛悲夫

做工夫人不得力無有別理會只爲他冷一日熱一日或東西或南北猶如狂狗相似癡獸獸心王不定如此作禪和子喫鐵棒有日在莫說今生不了直待

60 1 2 3 4 5 6 7 8 9

80

9

撰述

彌勒下生敢保未夢見祖師西來意在今時諸方有
幾箇長老說禪說道是爲人處孰不知自己腳跟下
浮逼逼地這樣禿奴喚作門頭戶口假名宗師幾時
能到古人境界臨濟和尚有四料揀奪人不奪境奪
境不奪人人境兩俱奪人境俱不奪你旣作人天師
範向此四句中對面定當得麼若一字不着便莫說
作臨濟兒孫未得作一切衆生奴未肯要你在時有
僧便問如何是奪人不奪境春花眼暖野水渺茫如
何是奪境不奪人小橋扶過東籬下影跡潭無鳥語
聲如何是人境俱奪黃昏雨後窓無月不見門前大

吠天如何是人境俱不奪太平日月光天德一統山
河壯帝居僧禮拜復云雙髻如此答且道成得箇甚
麼事好將柳絮枝頭弄誰作堤邊歌笑人咄

徑山雪大師語錄卷第二

支那

雪大師語錄卷第二

庚

60 1 2 3 4 5 6 7 8 9

70 1 2 3 4 5 6 7 8 9

撰述

徑山雪大師語錄卷第三

山茶大師首座

叅學門人

弘珠等編

良常大師首座

茂悶

雲林大師首座

嘉禾弟子朱茂時較梓

良常大師首座

彝叙

小叅

鹿城衆居士請補園小叅師云竿木隨身逢場作戲
住山久長無事可做擊拂子云總在白雲野水邊吟
哦過日黃葉秋風堆裏逍遙當時黃面老人云我無
法得阿耨多羅三藐三菩提是何言歟然燈佛與我

撰述

授記號釋迦牟尼呵呵大笑云題目分明
崑山魏子韶居士請小叅師陞座云法王法座隨處
建立法本無法心從何有喝一喝云達磨西來大似
眼裏撒砂以拂子打○相云到這裏無你開口處說
甚麼祖師咄

王原達居士請小叅師陞座云有一人超出佛祖千
聖莫能窺諸祖不敢正視良久云諸人要識此人麼
只在汝等動用中還會麼會則不妨出衆道看舉洞
山茶次問泰首座有一物明歷歷上挂天下挂地常
在動用中動用中收不得過在甚麼處泰云過在動

用中洞山喚侍者掇去菓子桌師云當時首座恁麼
下語至今還有下語者麼如無徑山爲伊下箇註脚
過在動用中不得菓子喫洞山太無端咄咄咄咄咄
黃介子請小叅今日介子居士爲祖母姜氏媳婦駱
氏請徑山登此寶座說些葛藤追薦二位徃生天界
不墜淪溺還會麼舉佛偈云見身無實是佛身了心
如幻是佛幻了得身心本性空斯人於佛何殊別徑
山則不狀鮎魚水底聚鷁子貼天飛會得此中意成
佛更無疑

師云今日李會嘉居士爲先太僕卿亡忌之辰請老

60 1 2 3 4 5 6 7 8 9

10

80

1

2

3

4

5

6

7

8

9

撰述

卷之三

人登座說法汝等諸人還知太僕卿着落處麼昨夜東鄰踏月回蓼花楊柳向人來分明一段好消息爭奈時人眼不開

朱葵石居士爲先司寇廣原公生忌之辰請對靈小叅師以拂子打○相云性海澄清靈源湛寂祇爲一念風生便見漚華起滅須知起惟法起滅惟法滅如千波萬浪相續不斷起時不言我起滅時不言我滅是故智者卽千波而觀止水生死本空諸法無實從上佛祖從此一門超出證大涅槃利濟羣有名了事漢廣原居士乘般若願力現宰官身護持法門道德

風香功名蓋世世出世間無不了了祇如不昧本因一句作麼生道雲中生石笋火裏發青蓮

結制小叅

師陞座經云有一堅密身一切塵中現山河大地日月星辰豈不是塵四大五蘊六根六塵豈不是塵而今衆生但知是塵不知在塵中現的堅密身當日釋迦文佛雪山六年覩明星悟道只悟得這堅密身長慶捲簾也悟得者堅密身香嚴擊竹也悟得者堅密身玄沙壘指也悟得這堅密身卽今在此結制無非要悟這堅密身果然悟得長連床上喫粥喫飯伸脚

60 1 2 3 4 5 6 7 8 9

80

9

撰述

打眠有甚麼過遂堅拂子云大眾還見拂子頭上堅密身麼若向這裏見得何用老人叨怛說者些落索還委悉麼良久震聲一喝云截斷葛藤

生于中國得爲人身便是無量福德無量受用必須超脫生死切莫被三毒五欲葬送一生忽爾臘月三十日到來將何抵敵這回失脚翻身黑漫漫的馬腹驢胎鑊湯爐炭無人替你且道如何得超脫生死去禪無論忙閑夢寐之際將一箇乾矢橛牢牢捏定不得暫時放捨如雞抱卵如龍護珠日久歲深一朝曳斷命根摸着娘生鼻孔便見天地同根萬物一體了

也參

師登座云結制來十日了也十日內在此作麼生還有得些血氣者麼出來舉似老人爲你證據衆無語良久云有時教你揚眉瞬目有時不教你揚眉瞬目有時教你揚眉瞬目者是有時教你揚眉瞬目者不是子作麼生會且教他去西天十萬八千里踏得脚板淵似鄱陽湖待草輶繩斷漫漫與你說莫喫他家殘羹剩飯男兒丈夫漢自有驚天氣槩何不會取定要依古人麻三斤乾屎橛做甚麼雲門大師云扇子跨跳上三十三天築着帝釋鼻孔東海鯉魚打一跳

60 1 2 3 4 5 6 7 8 9

70

1 2 3 4 5 6 7 8 9

撰述

雨似傾盆子又作麼生會到這所在如蚊子上鐵牛無你下嘴處而今時節衰落衆生福薄肯向這裏如生大病相似一時一刻過活不得逐日揩磨將去少有相應分卽今大衆還有相應者麼衆無對復云十五日再作商量衆禮拜遂歸方丈

祖師云和尚子莫被人瞞且道受那箇瞞日用中光明卓狀無絲毫相隔時時刻刻用着他受那箇瞞認着臭皮袋是我便被他瞞了也更無第二人謂之自欺自瞞所以不得見道古人云若人識得心大地無寸土十方世界全身是佛全身是你全身是我恁麼

說話急須漱口三日始得又云佛之一字吾不喜聞佛既不可聞衆生名字又可得聞只爲衆生識情自隔故云情生智隔相變體殊若肯一念回心便見清淨故馬大師云不是心不是佛不是物不必道是箇甚麼若道是箇甚麼又是物了也不是心不是佛不是物直下領會去好你若悟去馬大師在你脚底南泉和尚云心不是佛智不是道教中所謂寧作心師不師於心心如工伎兒意如和伎者故云心智不是道方便呼爲智向言下薦取何等省力不是定要三十年五年二十年古人逐日挨去辛辛苦懃三登

60 1 2 3 4 5 6 7 8 9

70

1 2 3 4 5 6 7 8 9

投子九上洞山却成年月了也卽同汝等一般又如織機之人工夫一日不廢云心不是佛智不是道一法不立便是能仁又不同空見無知死灰外道急薦取好光陰易過人命無常你看妙喜老人前後際斷尚有公案不透舉樹倒藤枯句歸何處云相隨來也方打失鼻孔又不了產婦因緣直到虎丘誦華嚴經至第八地菩薩無功用行方得了狀卽乃頌出花陰山前百尺井內有寒泉徹骨冷誰家女子來照影不照其餘照斜領頌得何得分明而今做工夫人弱體不乾情識不斷拖了死屍在這裏觸着便是無明何

不放下退之又退着眼看只在這裏不在遠纔曉得馬大師說話的的實實久立珍重

江州太守張君平居士請署中爲誥先人對靈小叅師云汝等亡者各須諦聽或遠或近或生天或在六道者無本可據皆因汝等平日打在妄想五欲內混過了日脚今在那裏安身立命可惜許一道亘古不昧之性靈竟狀不知具有夙根靈骨者自狀歡喜信受我語若生天者福盡還墮不如生在世間做箇人好信心堅固迴向菩提日後永爲道種汝之形骸雖有盡期汝之真性無形無段無滅無生覩體現前是

60 1 2 3 4 5 6 7 8 9

70

80

撰述

佛四大幻軀如水上浮沤汝等不覺所以輪迴六趣
皆業識也既受我開示後好好托生良善人家去好
語不用多記取記取

晚參

舉臨濟在黃檗三次問話三次被棒一日辭黃檗云
不須別去竟往高安叅大愚去濟至大愚舉前話復
云不知某甲有過無過愚云黃檗與麼老婆心切爲
汝得徹困更來者裏問有過無過濟於言下大悟於
大愚肋下還拳這就是時節因緣第一箇樣子也靈
雲三十年不知踏破多少草鞋忽撞頭見桃花刺眼

便云三十年來尋劍客幾回葉落又抽枝自從一見
桃花後直至如今更不疑這就是時節因緣第二箇
樣子也古人有這許多樣子在汝等冬瓜葫蘆滿堂
都是飯袋子那得如臨濟靈雲這樣漢臨濟當日空
洞洞一條肚腸問話尚狀不曉豈似汝等齷齪齷齪
一肚皮妄想無明痛癢不知那得心空及第果有真
實參究者出來老人與你證據僧問云某甲看一口
氣不來向甚麼處去師云向地獄裏去云是某甲叅
的話頭師云野狐精我這裏不叅甚麼話頭只要直
下承當問某甲看誰字語未終師罵云是你家十七

60 1 2 3 4 5 6 7 8 9

10

11

12

13

14

15

16

17

18

19

撰述

八代祖宗先靈僧擬議師便打復云你是那裏人云
杭州人師云杭州人無佛性云大師有佛性麼師云
者不唧噥的漢問某甲看麻三斤師云何不向七斤
半裏去僧無語師云立地死漢僧禮拜退復舉當年
陳尊宿織蒲鞋養母雲門扣見尊宿開門便推出云
秦時輶轡鑽雲門折一足因大悟你看尊宿向他說
甚麼便悟去如人飲水冷暖自知盡十方世界是箇
話頭觸着便是佛境界庭前柏樹子麻三斤流到今
日喚作話頭是你們貪嗔癡障了悟門與古人分作
兩橛大眾時光易過急須努力衆禮拜師歸方丈

師云說法有所得是名野干鳴說法無所得是名師
子吼若論正法眼藏人人具足無一欠少使用自在
情與無情無不具足故云蠢動含靈皆有佛性會麼
東村王十嫂相罵到天明復舉趙州和尚云金佛不
度爐木佛不度火泥佛不度水真佛內裏坐這說話
逗漏不少復高聲云大眾真佛聾趙州和尚前後相
違說道佛之一字吾不喜聞今又說真佛內裏坐這
箇趙州不怕後人簡責開先問伊你將甚麼作內作
外內外既空又作麼生坐諸仁者還會麼衆無語二
十拄杖一杖較不得

60 1 2 3 4 5 6 7 8 9

70

1 2 3 4 5 6 7 8 9

撰述

卷三

茶話

徑山國一家風冷落數百餘年矣今欲重提祖印爲衆舉揚揆開生死重關托出最上一着還有沒氣息漢與徑山拂子相見麼若真獅子兒不妨出來露箇消息僧出禮拜師便喝僧無語師便打海岸居士出問云如何是入門一句師云矮矮小小進云如何是出門一句師云長長大大云如何是不出不入一句師以拂子畫一畫云截破舌頭如何是天上佛師云問取燈王云如何是地下佛師云老僧卽今在甚麼處云如何是驢胎馬腹中佛師云喚居士作驢馬得麼云大師亦是師作驢鳴士禮拜僧問一口氣不來時如何師連聲唱云三滿駄沒多南復云箇事甚是尋常只在喫飯穿衣因衆生心量差別佛說差別法喻如銀汞一把撒去顆顆皆圓及至收來原是一顆雜華經云若人欲識佛境界當淨其意如虛空遠離妄想及諸取令心所向皆無礙此偈佛已說盡老僧今日又在此葛藤復舉永明禪師云有禪無淨土人九蹉路永明忒殺無禪有淨土萬修萬人去說甚麼三家村裏事有禪有淨土猶如帶角虎去却角來與汝相見無禪無淨土鐵床并銅柱不妨乾淨土云

60 1 2 3 4 5 6 7 8 9

80

9

撰述

會得無禪無淨土意鐵床銅柱也好卽今大師在鐵
床銅柱麼師云放了我放了我士云幾時得出師云
要你相救乃云直饒百千萬億箇問頭一時間來只
消老僧一拂直下冰消瓦解喝一喝云有意氣時添
意氣不風流處也風流

頤浩寺裏三日三上堂是爲希有是爲難得諸方聞
之也不知是佛法也不知是世法夫參禪學佛者要
在真心篤志真心實行若無真心參之則虛若無篤
志行之則假古人生死心切晝夜徬徨一日挨一日
無可奈何二十年三十年這般苦楚方能成佛作祖

報佛深恩爲甚如此只爲他信得及而今人到我面
前便說爲生死事大生死二字掛在唇皮自家滿肚
離離要向人前搖搖擺擺假模做樣可憐生及至驗
他如煤似墨縱然亂統幾句總是尋行數墨冊子上
學來的毫沒相干敢保他日閻羅大王喚鐵棒有分
在這件事若無苦心決不能廓徹清淨前後際斷若
能真實苦心自狀得見自性清淨自性清淨便見十
方諸佛清淨與十方諸佛同一慧命同一鼻孔同一
苦行方可人天衆前呵佛罵祖貶駁諸方你若自性
不明學得來的一廂便了有甚交涉他悟的人如長

60 1 2 3 4 5 6 7 8 9

10

11

12

13

14

15

16

17

18

19

撰述

江大海容之則萬派全收放之則千波競湧乃至萬語千言無非是祖師西來大意昔日黃檗大師道還知大唐國裏無禪師麼有僧便問云諸方匡徒領衆又作麼生檗云不道無禪只是無師應在今日矣良久云適纔老人說這些話若論世法則不無若論佛法遠之遠矣

舉僧問趙州一物不將來時如何州云放下着僧云一物不將來放下箇甚麼州云放不下擔取去諸仁者夢醒也未釋迦老子叮叮噹噹打了許多葛藤達磨大師西來恩大難酬說箇直指人心見性成佛早

不着便總是方便接引之詞若向釋迦未生達磨未來討箇分曉猶較些子如何是佛新窖坑如何是祖師西來意七八若論本分那裏有箇元字脚目前山河大地乃至十方世界是你諸人全身蝦跳不出斗良久云還有人會得麼衆無語師云且歸堂喫茶臘月二十九晚堂中請師喫茶分歲師云一切世間爲商爲客者不論千里百里俱要赶到家惟老人無家可到何故這裏無你棲泊處假若三十晚到又作麼生自代云千聖同途不同轍還有相隨者麼自代云拄杖子復云大眾明日三十晚大須仔細遂歸方

60 1 2 3 4 5 6 7 8 9

70

80

撰述

卷之三

三

丈 師云今日三十日一年光景今宵盡明日重新發道

心雪點樹頭花萬朵旃檀香氣滿山林百年三萬六
千日總離不得今晚且道百年三萬六千日從那裏
數起縱使釋迦老子達磨大師出來口如穠盤舉僧
問趙州如何是道州云牆外底僧云不問者個道問
大道州云大道透長安何等直捷盲龜瞎鰐怎麼不
會明明白白一條路只爲太近了可憐生冷地看來
一些事也沒有爲甚麼終日浩浩地若是悟的人橫
也好堅也好嗔也好喜也好楞嚴經云本是一精明

分成六和合動也不要動着這所在只爲你脚下泥
水太重千言萬語叮叮囑囑要後代兒孫成家立業
遞相傳授光耀祖燈若自負我聰明我智慧得些光
景只管嚼蛆睂眼人見之惡心嘔吐徑山所以安安
單單住山藏頭縮尾難道將悟之一字躲在胸中忽
炮聲卽云依稀似曲饗堪聽又被風吹別調中便歸
方丈

金陵除夕茶話

石布衲出問除夜佛法請大師道一句師云蠟燭是
蠟燭梅花是梅花衲云新年佛法請師再道一句師

支那

唐大師語錄卷三

三

60 1 2 3 4 5 6 7 8 9

70

80

90

9

撰述

雪舟詩集卷三

云且待明早來師轉問衲云如何是除夜佛法衲云
爆竹驚山鬼師云如何是新年佛法衲云炊香接道
人又問子揚居士士答前語云癡趺連夜賣答後語
云貧鬼一時驅侍者問昔日北禪分歲烹個露地白
牛今夕大師分歲還烹個甚麼師云烹個甚麼者云
這個是常住公物不是大師自家的師云你那裏學
得來者云大師合取口喫茶好師云你問我答有甚
麼過師復問侍者云月窟梅影時如何者云請大師
看師云七縱八橫去也者云恁麼則惱亂春風卒未
休師云楊花撲地衆便禮拜

示衆

青山白晝泉石松雲薦面相逢吾不知其誰家之子
做工夫人若肯向這裏會得便可穩坐家山不必更
去那邊閒言長語討辛苦喫如或未狀切勿脫空妄
語死骷髏上作活計

怒雷擊碎須彌石化作大洋海底雪泥牛吼木馬嘶
拔出波斯眼中楔春晴桃李盡風流在處綠楊黃鸝
擲惟有住山人打眠平生佛祖無交涉無交涉山花
處處流鮮血拍膝一下云喫

大眾還知徑山決定姓朱麼汝等諸人姓個甚麼若

支那

雪舟詩集卷三

三

60 1 2 3 4 5 6 7 8 9

70

80

1 2 3 4 5 6 7 8 9

一撰述

雪天詩譜卷三

有姓出衆舉看如無徑山與諸人下個註脚元宵定
是正月半更聽一偈村中樂穀穀碧棟滿竈脚烘被
禱烟火香一覺天明樂不樂黃柳烟空索索鴻雁田
中喫大麥鷺鷥怪煞紅老鴉各自枝頭去酬酢咄
汝等要疑情起驢年去夢未見疑情是個甚麼物了
生脫死不是好喫的果子須得斷情絕義大忘人世
雖着衣喫飯何似有氣的死人無分南北胸次中逼
塞無路可入直到水窮山盡不得轉身可憐生捏緊
拳頭咬緊牙齒決定要嘲這着子一念緊一念一步
高一步念念相追步步不離不放過提得話頭緊峭

妄想更緊峭拚命提這個妄想微細極微細非今生
有塵沙劫妄想徹底起來這時只爲信力勇猛妄想
躲根不得徹底搖動這時節歇手不得不由歇手要
一口氣成在時刻也却又不斷這遭拚命下毒手一
斬命根斷去十萬八千還他原是個木上座

甚麼事是出家所行的事清淨五欲立人品持戒律
不謗佛法僧不惡口兩舌面是背非乃是出家人所
行的事衆生惡習濃厚第一淫怒癡惡習之先導汝
當知晝夜宜謹慎如禦邊疆惟恐失蹉犯人苗稼一
失途程搥胸晚矣謗自己之過罪人所不知何以故

60 1 2 3 4 5 6 7 8 9

10

11

12

13

14

15

16

17

18

19

20

21

背覺合塵六根不淨迷已逐物不嘲道眼俱名謗佛法僧非是外邊有佛與你謗夫親近善友良朋相聞好言當自策進至於無涯岸地上尚不許立立則截斷你脚

禪和子行脚住山須求個本命元辰着落豈是散心雜話念柏樹子過日直饒你念得熟如湛水如霜如雪卓狀無依你作麼生出身參禪惟貴妙悟古人千里不遠見人三登投子九上洞山之輩逃他一片苦心不過自狀草輶繩斷頭門眼開盡大地方知是我更無別物祖師云舉足掉臂無非西來大意且道西

來大意爲甚麼覓伊不得只爲你要覓所以遠了假似不覓時如何隆冬嚴寒伏惟珍重

大凡參禪學道人得個小境界不要當爲極則事向人前亂統非惟無益於人自喪平生出家學道之志古人三登投子九上洞山如此苦心豈無個境界他不肯住佛祖心印難道便如是邪所以一聞千悟名分高遠垂萬世之龜鑑今乃末法澆漓福量淺薄操履日微偷心不死骷髏不乾流注妄想不會休息何大道之可得哉我教伊重提話頭我之小境界畢竟不是前代祖師若似我者模樣佛法掃地久矣安

60 1 2 3 4 5 6 7 8 9

10

9

撰述

雪舟語錄卷三

三

有達磨一宗流至今日你看他得心人凡有語句自
狀馨香自狀智慧今人言說送出人前聞則絕倒
經云空生大覺中如海一漚發覺卽一切衆生佛法
如是廣大如是圓滿如是性如是心皆不可思議佛
與衆生一坑埋却在裏許有甚麼出氣處若如是見
得如是親證如是三昧如是鼻孔方員大小山河大
地日月星辰無不周徧無不入這箇皮袋裏轉身俯
仰送客迎賓何勞更要提話頭叅究發明豈不多了
一件事是則固是理卽是事卽不是何故衆生有如
是差別至知見或貪或嗔或痴不知本源佛性中着
不得這些惡知惡覺不但衆生着不得縱是釋迦彌
勒文殊普賢一毫毛着不得何故這裏喚作無相道
場無作道場無爲無事無法無無亦無道場清淨光
明惟證乃知佛不離一切衆生境界衆生境界卽佛
境界但於其中有一點差別所以便有優劣果報罪
福之不同耳故曰奇哉衆生皆具如來智慧德相因
妄想執着而不證得滿口道盡了也今欲叅究自己
本源佛性心空及第但於生死二字如救頭狀時時
無剪爪之功一心一意牢牢靠靠憑伊佛來魔來只
有自己本參卓狀擺在眼前以悟爲期莫待眼光落

60 1 2 3 4 5 6 7 8 9

10

80

11

1 2 3 4 5 6 7 8 9

撰述

聖人傳記卷之三

12

地一場慄懶勉之

佛是百不會的人善用一切法佛乃一無所知的人而善知一切法過現未來悉知悉見不同一切衆生識見而自得無量善巧方便異類中音聲海佛無知覺而善覺一切生死衆生沒於愛水泥犁海佛無住相而流動六根佛無識故不被諸惑境無礙故當體寂滅亦無寂滅性可得假名爲佛悟卽事同一家以無一切偷心雜染心善惡二相俱不相到本性如是未有威音王名字先有此性性卽佛佛卽心以心名佛還不是衲僧本分事故曰心不是佛智不是道如

人行路相似不知運足千差而實不知運足之所以也故云運足焉知路我見今人學道者自己一個臭皮袋打掃不會乾淨便要作佛作祖學得幾句殘言餽語向人前下一語他明眼人掩鼻而遠之可憐生時世澆薄衆生福量不多那堪受無量不可思議之境界嗟嗟

做工夫只管說妄想昏沉此皆生死不切之流輩直饒你做到妄想不生昏沉不有清清寂寂只見話頭頓在眼前你又將何作用參禪惟貴妙悟若死守話頭不妙悟守到驢年不過多喫些鹽醬

60 1 2 3 4 5 6 7 8 9

80

9

撰述

卷三

爲僧須以戒定慧爲本方與道相應此中不狀去道遠矣佛云人身難得佛法難聞善知識難遇善友難親今之所謂惡世界者以自心不良徒沒了也欲得相應要自心清淨卽名善知識等等也豈離自心而更說有佛有人耶故云一切惟心造人身難得者難於無偷心偷心旣無一切心皆無矣人身何懼修行人正不要人身人身者惡種子也但求空無相無作無爲之佛身法身耳又曰人身難得仗此身而作佛人身不可少不可住也當念生死是名第一義

修道人只貴無事打開心意識掃盡葛藤枝時時念

生死事大苦於胸次中我何來而不明去來本因地既不知當生平在裏許提撕閒忙取捨之際如繩貫牛鼻不容他走作自狀坐地折勉之勉之

學道如學射發之必中矢之相應前後不改初心始有到家日子分若也此念不真此心不確任你走到天盡頭處原是個王上座何故謂你有偷心在出賣骨董開個鋪長日竟無來主顧呆呆每日等到只見長安有大路你也行我也過不問人何以故學禮乎學詩乎好個問頭今古箸譬若金玉滿盤盛畢竟要將手來舉學禪乎學佛乎誰肯將心冰冷去

支那

卷三

大

60 1 2 3 4 5 6 7 8 9

10

80

1

2

3

4

5

6

7

8

9

撰述

卷三

莫敎黑面老兒到相訪者回恨不入地底及早修休
蹉過鹵莽將軍陣中死黃梅時節雨家家破爛草鞋
石頭阻一滑滑倒起不得縱有親朋難救護

心地若開廓處處逢達磨在在毘盧主橫也好豎也
好頹之倒之無不妙欲往東去便向西日月逆流何
不可天左旋地右旋江山原是舊衣冠萬象森羅影
現中個中誰得復誰失鼻孔牽來恁麼時繩索從敎
都打折縱使千聖出頭來到此無處去分雪市井村
翁唱酒銚是則名爲大圓覺誰爲是誰爲非睡醒鳴
窗紙破已明朝依舊可憐生運水搬柴只是伊除却

東西南北山分明還我西來意咄咄早思惟
結制示衆莫謂進堂好進堂生死拘半夜不得眠昏
散和衣倒雙眼睞不開板響生煩惱若是其中人晝
參夜無飽板聲入耳門祖佛俱了了

達磨大師知震旦人有大乘根器辛苦而來傳佛心
印不立文字直指人心見性成佛心可傳乎作證明
人耳慧可大師云我心未安乞師安心祖云將心來
與汝安慧云覓心了不可得祖曰與汝安心竟謂之
傳佛心印此後祖祖相傳傳此也心心相印印此也
其外有何物作衆生成佛了生脫死若有角立外見

60 1 2 3 4 5 6 7 8 9

70

80

90

99

卽名外道註解公案卽名魔說悲哉達磨一宗印子
到今日百雜碎矣眼前皆爲冬瓜印狗尾拂豈同前
代祖師正法眼達磨慧可父子傳心哉如今發心學
道者要遇明眼人示之正路的的認真做當下便知
分曉始不幸父母所生眼六根受用無時可離而今
世間人都將血殼子認爲是我向這裏認差了輪迴
苦趣埋沒本源祖師心印從生至死無由解脫千聖
出頭提挈你不得蓋謂你認賊爲子喚奴作郎妄想
六根自成顛倒攬混真常如雲障日光明不顯果欲
明心須得放下夙生習氣割截無始愛根三七日中

千了百當這回甦醒方知佛祖出世便爲這着子更
無別事故云惟此一事實餘二則非真四威儀中諦
審諦觀我之身心浮漚四大未可認爲本源若非四
大何者是我真心不生不滅旣不離四大日逐之間
我何不知真心着落如是提撕如是緊峭畢竟有一
日坐地折爆地斷

以不動心接續如來智慧以無念無作體諸代祖師
心燈以不可說境界降伏諸魔外道以無我相成就
多生苦行續佛慧命見一切境界卽是如來境界見
一切好醜男子女人卽多生眷屬不起一念成就慧

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

雪舟印譜金卷三

身今時參禪學道之流拖一條長布裙東掃西掃水
漿漿地可惜許須當照管脚跟始得今禪人乃佛法
中大孝養父母親鄰里學道雖不成佛其成佛久矣
參禪雖不見性此中公而無私卽性卽見卽佛卽心
矣禪人出紙請老人書隨手稱讚不知是個甚麼咄

截斷葛藤

今人不知妄是真如欲遣妄而求真遣妄求真先當
遣自性之真如其妄自息不知真如無爲隨妄想而
立名名相本虛依真如而得體了妄無體真如亦不
立假名名相假名真如也若妄想之有根不說真如

也因真如空遍法界不自有故故有妄想依之流动
淪溺六道喻如大海之漚豈離水而別有漚也當知
世界流动之狂花必依空而狂不空而生狂花者無
有是處

我有一物八個角十二隻腳面孔若斗肚皮如缸南
觀則成北看則不是似乎甚麼不似乎不甚麼擬之
則錯不擬白雲生面向東澗照之頗有相類走向西
溪照之一毫不干涉且道如何卽得不作無事會亦
不可作戲論會若生穿鑿遠之遠矣

學道人以生死大事貼向面門時刻不容伊走作着

60 1 2 3 4 5 6 7 8 9

10

11

12

13

14

15

16

17

18

19

撰述

衣弊飯行住坐臥如失至寶就地尋覓畢竟要尋他落處方可歇手不然唐喪光陰空度一生目前頭出頭沒之事總之夢幻無勞把捉或有別妄想起卽將活頭劈頭截去久久自狀生處熟處生一道清淨光明十方坐斷佛亦不見方了生死如空中花至囑至囑

盡大地拈來是箇死關你又擬向那裏安身何處坐立若欲坐關不在牆壁封却兩扇門謂是關也關者心意識不行專心一念提箇話頭六窓清淨內不放出外不放入一道孤明了境無礙此乃是關狀亦不

妨牆壁門窓何故通身是關通身是主也

初參禪做工夫人打頭要遇明眼衲僧開示始無差路無險道打頭若遇着惡知識杜撰長老將惡毒之藥灌於腦門一灌灌了自謂出世美味了生死之佛法悲哉痛哉這惡毒魔氣外道蠻尾一經他手永生永世再不得出頭成魔眷屬必矣而今有道氣者第一要遠離此等人方稱丈夫思之思之

山中人吟哦弄管固非本分然亦少他不得世上決無庸鄙聖人故假之以消閒送日脚下西山耳或問曰古人大事已明如喪考妣豈有閑工夫寫畫做詩

60 1 2 3 4 5 6 7 8 9

70

80

90

撰述

聖人傳記卷三

推敲韻部耶答曰汝何人也居何國土會見甚麼人來還讀書否識幾箇字否行脚否苦行否知古人作用否既不知世出世間差別事務應訪高人請問細微曲折如何是道如何是大事如何是究竟法如何是世間法如何是衆生如何是山河大地如何是四大五蘊如何是菩薩行如何是菩提心如何是生死如何是涅槃如何是本來面目如何是父母未生前事你若向這裏一一明了一一透過千七百則陳爛葛藤乃至一切差別法口似懸河如瓶瀉水這箇喚做無礙大悲心大辨才三昧如是識見方可許你開

口你若一一不理會莫教脫空漫說此箇門中不是其人艱也不要來艱着難道大事已明的人動也動不得依你說來六根都用不着死眉釘眼如三家村土地相似纔叫做如喪考妣你這些嚼死飯的禿兵要知此意驢年未夢見在近代佛法可傷邪師妄說滿街滿巷如賣小菜的相似擔了秦人達磨一宗掃地矣自己腳跟尚未穩當將東瓜印子東西南北不管是人是鬼一齊印將去你這野狐精何苦得這些無主孤鬼要他何用佛法平沉正是今日而今禪和子要知自己衣帶下事也須具眼始得不可七撞八

支那

聖人傳記卷三

三

60 1 2 3 4 5 6 7 8 9

70

80

90

撰述

雪舟語錄卷三

撞撞在野狐隊裏打閑過了日脚是爲可憐愍者
若有所重卽失正念正念如如綸貫一切世界寂狀
都無動靜諸佛本源衆生物性到此方會迷則顛倒
十方洞狀了無一法祖師心印天上天下莫將觸體
妄生人我

心與境會道本物齊一念相應生佛不二今之所謂
有生死者虛妄業緣果因不昧人者情也識也以情
識牽念念相續故有生死佛性流轉六道就能悟之
而作人間無事人也宗門向上一着與太虛同壽與
萬物並育而無差異世間差異者因衆生有我便出
得麼試請道看

如何是乾矢橛如何是麻三斤如何是庭前柏樹子
如何是青州布衫你若向這裏一一透徹會得古人
落處方可許你伸脚打眠橫行直撞其或未狀還須
默默揩磨實實逼拶不得終日播兩片皮胡統亂統
他時黑面老子打算飯錢莫恠徑山不爲伊道破
抱香菴開示

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

梗述

雪舟語錄卷三

夫人者天上天下第一等奇特衆生也何以故一箇血肉慾子能見能聞能知能覺能辨香臭能分好惡乃至博通古今經緯天地種種聰明智巧非第一等奇特而何然都喚作乖覺非正覺也何以知之從生至死被妄想無明差遣了一生幾時自家作得一日主宰自己既不能作主便不得知本命元辰着落所以道百姓日用而不知大好笑事你這些妄作妄爲舉足動步無非是業總不去簡點他不知此身幻具平日動轉施爲從何處起四大分散又從何滅諸仁者若向這裏猛着精采畫三夜三一心不雜如履萬

仍深淵相似不得一毫放縱自然虛空迸出日輪光明炤耀徹古微今威音王那邊更那邊消息一時捉敗了也如是則任你橫傾巨海倒卓須彌不爲分外徑山恁麼告報還委悉麼其或未然更聽一偈啼破春風血未乾月明枝上漏聲殘誰家猶自貪歌舞舞散歌停魂夢難參

日逐進退之際接雲迎霧之間皆是祖師西來大意因甚麼不肯承當自爲五欲所困耳假使人心必假四大五蘊以濟之行之止之放之卷之要見心之所住定在何大對境分別落在何根汝欲云因眼有見

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

還依眼識既在眼識則五根無用矣因何是中動轉
施爲根根俱到分別前境善男子若夢寐時六根所
攝六根形影當着何處既不能知還同死人有何人
我留于世間六根循業現前流注妄想皆是汝之生
死根本必假工夫熏習揩磨淨盡漸漸純熟圓滿菩
提雖然若論祖師門下不作是語何故沒這閒工夫
與你打葛藤古人云如何是佛麻三斤大力量人向
這裏一聞千悟大事已畢叅

智相道人請受戒開示

夫戒者卽佛也佛以戒得成道戒乃佛之基菩薩祖

師莫不打這裏去今智相道人於佛戒心地法先以
相應理固如是事不可廢若欲利生接物無戒定慧
不得入聖賢地戒乃器具如城之禦賊賊不得便法
身不動戒體如如作用萬端隨機方便當行方便者
以方便而接之諸佛諸祖終不執法而化度衆生也
戒爲萬有之本諸法之源於戒方便心何礙哉四生
六道莫不仗戒力度脫所以生死遠離種種自在
法語

示錢相國塞菴居士

這個事不是帶了習氣做的須用全身放倒別立主

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

人公若也朦朧如睡夢中欲求其開豁混到驢
年馬月未敢相許在何以故祖師西來單傳直指傳
佛心印不論禪定解脫惟言見性成佛禪定解脫尚
不許挂向唇皮何習氣敢汚祖師心印哉若真欲求
道悟自本心每日當以滌淨身心提個話頭僧問趙
州如何是祖師西來意州云庭前柏樹子便向這裏
參去

示錢元冲居士

學道人須打點胸次索白外緣內緣盡付春流澄澄
湛湛提個話頭僧問雲門如何是佛門云乾屎橛卽
將此恁麼提撕恁麼參究如護眼珠時時在念日日
在疑功夫緊峭自有陳爛葛藤妄想夾雜總之不必
理會只管高提本參乃至迎送喫飯穿衣惟有一個
乾屎橛頓在眼前動靜之際但恁麼參着些精神如
失至寶畢竟要計個下落歲久月深生死心不退自
狀得力一火煮熟始爲到家絕無奇特原是舊時人
乾屎橛化爲無上覺王莫生歡喜至囑至囑

示廣原朱居士

以不動心降伏衆魔以無言言成就慧身蓋生死之
由用諸妄想結業爲苦愛水所滋貪欲爲本其中有

60 1 2 3 4 5 6 7 8 9

70

80

9

撰述

不受區宇者佛亦柰何伊不得且老病垂身當以自
勉幻化匪堅豈能久長若無聖諦第一義把住綱宗
必也早成流浪今日受用天龍鬼神籌運如是享如
是自在皆夙智所爲靈狀獨步四大血軀一套套出
既以血軀同于父母父母血軀同于阿誰宜審察有
不謝之緣磨不吝之德也若以哭泣欲使他人知者
情也癡也落陰界而不返病也慟乾坤一切草木無
不知癡之謂也思之

示錢仲芳居士

道無一向隨意可以還源信方旣充佛祖將爲下立

惟恐虛棄光陰這個便爲難事人身何來總之黑雲
中過日忽朝腳踏實地心眼頓開始知徑山一片老
婆舌頭領罵有分

示錢去非居士

欲識本來面目先教放下熱烘烘這條肚腸五欲三
毒付之東洋大海冷煖不干懷富貴非我有日用疎
疎澹澹不求濃厚妻孥接應如影如響送客迎賓如
夢如幻妄想忽生劈頭截斷放逸恣情是誰之過參

示錢不識居士

不用澄心而念靜不用厭凡而忻聖不用聰明而賣

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪舟自言金卷三

世不用思量而得道不用將心而待悟不以重古而輕今不以好樂而忘情不以取長而乖短不用將心而覓心不用功夫而妨道不思善惡而定性不以肉身而求法身不以肉眼別有慧眼不以就高而卑下不以逍遙而取性已上數語皆障本心非入道之門也但要時刻究心所從來一道無遮無閉之光明不遷不謝之智慧不相遠矣只在汝之六根顯現朝夕不居陰界故傳大士云夜夜抱佛眠朝朝還共起要知道佛住處只遮語聲是

示四照居士

做功夫人不得力病在多知多解穿鑿公案習氣膠之三毒五欲打脫不下所以不得洞明佛性這事不是壁立千仞漢子終不能到佛祖境界得入無礙辯才語言三昧既不得入無礙辯才語言三昧將何利生接引多方學者續祖慧命若真正爲生死的人無雜用心一個話頭如咬鐵丸相似定要嚼碎嚼不碎拚命嚼寧將身心墮於地獄終不放捨話頭具如是信力如是疑情日深歲久骨爛皮穿七零八落瓦解水消習氣不現相將近矣差不多矣更加精進三七日中立地可待此中少有一絲一忽放不下不能廓

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

狀無聖直得身似虛空尚有虛空室礙當恁麼時大
須仔細愈着精彩以勇猛力故忽然坐斷如生陷一
般正眼迸開般若境界現前不見佛不見身不見一
切一錠墨黑娘生鼻孔都無是處如大夢醒又如日
輪當天融化雪霜影跡都無光明普照法界物物頭
頭初無差別不作別色祖師云當初只謂茅長短燒
了方知地不平珍重

示振侯居士

士大夫肯向法門親近善知識決擇生死極爲難得
狀不能真實履踐的究此事但說而已此事深遠原

不容易况今末法衆生信心不篤識見不廣五欲三
毒如大火聚晝夜燒然無時暫息我此宗門豈易入
也生死大事豈易了也直饒你是個古佛再來也須
退步有分何故我這裏不論聖凡只要還我個信得
及一信永信梵行清白因果分嘲千魔萬難不變初
心如是人者便是有智慧有力量大人許可學道目
前有一等惡衆生口說宗門心爲魔業觀其平日無
所不作五戒不持血肉亂嚼豈佛法中有此一欵吾
謂此等惡業魔外必有魔眷屬授記來魔印子上脫
出來不狀那得便敢如此放肆毒氣流行地獄種子

撰述

雪舟錄卷三

說罪福本空撥無因果如此魔民閻羅王打你鬼骨
髓有日在

示葵石朱居士

人之性無性爲性以萬物體之各得其情所以云天
何言哉春秋雨露了狀有章寒暑之性豈曰無情狀
人不覺其源俱爲自狀生靈之義莫不稟當仁空劫
來無影響之家流通草木山河大地上至忉利梵天
中爲人物下至異類皆性也且生死之由從不信因
果而得生死虛若空花不有不無求其實體了不可
得是人若肯一念回心佛亦尚不見有何生死天堂

地獄之有哉

示雲將居士

參禪一門大須仔細要以精進解脫一切雜務撇之
腦後惟有話頭頓在胸次如生冤家相似拋擲不下
不論歲月以悟爲期倘有靜境界現前都莫理會只
管提撕本參本參不透疑情不斷終不放手直饒透
過一物不立尚有物在未是到家時節轉轉相憶念
念不離直到髑髏粉碎方有少分相應莫生歡喜此
時切須謹慎有奇特怪相惑汝禪定切勿隨他買草
糴行脚見人方知是佛是魔安邦定國天下太平

示中邑禪者

做功夫人話頭不親切汝等偷心不歇護惜人情故使話頭打入妄覺不得清楚若是鐵橛相似一切境緣自狀遠離自狀不到惟有一個生死念頭欲放之除之却又不得逼塞殺人這逼塞之物要在當人爲生死心切纔有這段光景提起話頭渾身打做一個疑團那時莫說無妄想從無始來妄想徹底搖動話頭提得親切妄想更平親切此時不必分別只管夾草嚼劈頭截勇猛力勝一火煮熟逼塞疑情一擊化爲微塵佛亦不見

示禪人

志同孤鶴遠鉢響亂雲流夜宿石橋下曉行黃葉秋古人云未上船舷好與三十拄杖若這裏會得百城烟水一場逗漏伸脚打眠衲子本分未出母胎度人已畢思之

示禪人

離親割愛入我法門所爲何事莫是圖安閒自在穿好衣裳這裏大有事在卽此軟嫩嫩風光清依依竹色靚面相逢你作麼生理會鐘聲夜聞黃鳥畫啼不是別物諦思我父母未生已前聲色未彰之際聲色

聲卽今能聞所聞能見所見者復是何人善男子不須廣學多聞只此隨緣去住不了話頭蘊於八識田中倘夙有靈骨做到花暖春香因地一聲磕破髑髏也未可知

示禪人

做功夫人提話頭達磨大師西來曾無此事自六祖問南岳讓甚麼物恁麼來馬祖打牛打車鎮州蘿蔔頭種種語句發明衆生心這話頭不是別物卽汝之性靈衆生居於黑暗狂見異生生滅不定頭頭着逐物迷已認魚目爲明珠浮花四大爲堅固不朽之物

如是差異五欲愛水滋潤無明使習氣盛而生死永作牛馬相無有了日這些相皆不離衆生心別有塵相衆生相倒相癡眷屬相地獄相夜叉相修羅相人相我相壽者相皆從一念心迷妄生若干節目如病眼見空華青黃等色空本無花病眼發生若欲病眼清剛復還無知無覺之性靈不去不來本常之五蘊今將古人用過應驗藥頭服之僧問趙州如何是祖師西來大意州云庭前柏樹子日用中只將提撕不許你柏樹子上討滋味一心提撕提撕到日上西山月沉東海猛地爆折親見趙州和尚鼻孔便使身心

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

雪人師語錄卷三

輕快口若懸河而不滯心如利刃而無傷乃是離相
離名之吹毛劍也大事已畢

示偃風璞侍者

今時出世輕薄後生只管食程不覺蹉路且祖道不
同外道要以真叅實悟盡底掀翻尚未是衲僧本分
事直饒絕後再甦方有幾分與禪道相應更欲向孤
峯絕人跡處炊折腳鎗十年二十年人天相推出來
應個時節況不是道人本心

示孝廉孝若徐居士

人所不知者心也故曰百姓日用而不知以情欲幽

深秘之妙性天狀昏墜無覺嗟乎悲哉情欲妙性相
去幾何不知日日幽深之情欲日日妙性天狀之佛
道若欲離昏墜別尋真覺妙性當昏墜離于何地令
妙性真覺與汝可得耶不知當體全真肉身卽法身
妄想卽妙覺向這裏擔荷得去何工夫可做何佛道
可成圓覺經云居一切時不起妄念於諸妄心亦不
息滅住妄想境不加了知於無了知不辨真實其義
深遠只在當人直下頓斷便與先聖大道合轍矣故
趙州和尚云佛之一字吾不喜聞是的當語

示隱聞李居士

雲生於空忽起忽滅生從何起滅向何處今之人也同雲之無根去來無依流浪飄泊竟不自知性靈無作無爲無繫無縛在身也六根無住在空也不染不汚今之噉味舌用皆識神分別耳聞眼見亦復如是一搏血肉中不知識神從何而入爲人隱聞當知以日用所住心皆業也腥腥之味少進爲貴知足之念不可一日忘之

示士材李居士

若欲了生脫死洞明大事因緣只要一箇堅固不移動脚跟便有日子可待見佛祖鼻孔大小這回方可

着衣婢飯抱兒弄孫逢場作戲苟或不狀是大明呪是大神呪是何道理問取山前鄭八嫂叅

示容思徐居士

行藏林下不以世間榮辱爲念惟已事不明切切在茲旣能如是用心何妨日頭浩浩左之右之莫不是祖師西來大意

示孝廉序東徐居士

入般若法門非容易事要一副眞實心提箇話頭念茲在茲忘爾我相不着一些閑雜識心卜度只有生死大事不得逐日挨去十年五載以悟爲期勿生懈

60 1 2 3 4 5 6 7 8 9

80

1 2 3 4 5 6 7 8 9

急如救頭狀能如是做去自狀坐地折爆地斷一聞
千悟諸代祖師無容身之地

示卓菴禪人

住山人不必將心用壞了有本分事在所謂急債寬
做詩字文章海內多多未稱尊貴大徹悟光揚祖庭
者實爲希有他悟的人轉身吐氣別有一家風頗見
前代已了事後說幾句閒澹語字字印心不說別處
如星月在天俱發光明心地般若亦復如是朽記得
昔年住西峰時雲博如綿幽然可喜偶占晚來雨過
蒼巒靜一片白雲又進山復云斷崖花冷千峰吼松

落煙光集地香獅子巖中苦心事如何分半到朝陽
振衣亭下舊題目冷地思量我是誰龍樹長成三抱
半扶蘇夜月雪爲皮嘗思復住西峰奈山中難得卓
錚之地所以幾回念起幾回休今老矣視聽不聰身
疲力倦冷坐語風待天年而已不復遊山問水也禪
人旣住西日菴中冷靜無事正可進向脚前脚後事
丟向他方世界倘得三年中改頭換面得好消息不
辜此往那時方來喚朽拄杖思之勉之

示慈菴禪人

此事不必向外尋討但辦一箇乾淨肚皮無事不辦

撰述

卷之二

也做功夫人盡是說功夫者他會做的人默默十二時中只有一箇不了的心肝橫於胸次更無第二物也古人云那箇拖你死屍來但向這裏看不須持呪念經求人不如求己誠哉是言也假以腦後一槌打死你又作麼生者箇事要真真實實念茲在茲虛言浪語一些來不得若肯放下眼前將自己轉歸萬物了也古人云目前無法意在目前不是目前法非耳目之所到好箇夾山說得忒煞乾淨好與三十拄杖

示瞿翼禪人

若欲舉揚宗教直待虛空落地纔有說話分不狀總
是七家村閑神野鬼祭孤窶茶飯與我宗門有何交
涉近今末法衰替見得如是總不如是人天見責護
法嫌嗔謗大般若口吐黑烟他時異日打你鬼骨髓
有日在阿呵呵聚衆五百六百不是好事正是吾宗
敗壞相心頭無一些見識口說得十分現成學語之
流可憐愍者這些地獄種子何時休歇直待熱病打
頭尚是不肯放下惡魔識見魔寐人家種子猶在禿
奴兒何苦得這碗飯隨分有得喫何必要稱和尚登
高座嚼蛆蟲亂嚼出來刻向板上成得甚麼說話看

撰述

伊俗人文章有調法有轉句活句盡入文字三昧。你
者些禿兵禿賊禿野狐精死入阿鼻無間剝皮剔骨
叫苦無量心酸難忍。到此時你還上堂得麼？小參罵
誑人得麼？一千七百則公案許多差別機緣。這些魔
民道總之一箇道理只管胡言亂統。一盲引衆盲牽
入地獄。眼前幾許魔民遭惡鬼打殺禿兵。你還怕麼？
從今後發菩提心做箇好人莫待眼光落地做手脚。
不辨。

徑山雪大師語錄卷第三

徑山雪大師語錄卷第四

參學門人

弘珠等編

茂凋

嘉禾弟子朱茂時較梓

彝敘

參請機緣

師見雲棲蓮大師問云：如何得成佛作祖去？蓮云：問
道於盲師。云道：豈盲耶？蓮云：我盲師打。○相云：總在
這裏。蓮指○相云：盲師云：見婦不須重下淚，還他原
是個中人。蓮云：不是個中人。師云：却好。蓮云：好好師

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9 80 1 2 3 4 5 6 7 8 9

撰述

雪舟傳金卷四

禮拜次日呈偈蓮着語不解西方不學禪低聲低聲偶來塵世只隨緣解也學也三間茅屋傍溪住溪深路滑兩扇竹窗關月眠春色滿園關不住碎盡衲衣那有結爭似寸絲不掛養長頭髮欲成顛成顛亦不惡自從會得吾師意胡餅裏討汁白雪飄飄六月天夏行冬令寒暑不正復囑云以頭陀行住雙髻山續祖慧命

師參龍池幻和尚入門把住云佛不見身知是佛且置如何是若實有知別無佛幻云有了你沒了我師拓開禮拜幻云雪嶠不得老僧道師拂袖出次年復

參幻豎一指問會麼師云者個喚作甚麼幻微笑又次年穿草鞋直上方丈幻云你草鞋猶未脫也師云何處見草鞋來幻又微笑師卽呈偈

問答機緣

黃海岸居士到菴問云入泥入水來時如何師云滑殺人土云久聞雪嶠及至到來不見一點師云日頭大士云雪鎔後如何師云春水滿溪流士云大師會見甚麼人來師點胸云雪老子禮拜

一日茶次謂海岸云老人今年六十六復自輪指云丙丁戊己庚良久云怪見得把人牽來拽去原來水

撰述

枯牛入命宮拖泥帶水東觸西觸雖狀且喜木足草足黃居士便問木足草足時如何師云飽殺人進云水枯牛還瞌睡也無師云撲面秋江白月飛鷺鷺撞入蘆花裏余居士進云恁麼則一色邊去也師云蘆花變作黑灰飛鷺鷺不撞蘆花隊士禮拜

海岸請益師云此事大不容易常有禪和子到問做工夫老人只教伊誦金剛經去士云如何是金剛經當頭一句師畫○相示之士於○相酬之師復畫○相作背拋勢士畫○相呈之師以拳搥○相士便喝師呵呵大笑云今日親見爲仰父子

黃居士問雲門在睦州處悟得爲甚却嗣雪峰師云知恩報恩復問元正啓祚萬物咸新百戶千門燈然室內且道與少室一燈是同是別師云只有長江水流滔滔空自流士云流到甚麼所在師云住住又問雪覆千山爲甚孤峰不白師云理合如是士云如何是夜半正明天曉不露師云十八士云請師更道師云一條舌

師舉三日前得一夢室中火起老僧喝兩喝火燄漸微自占曰般若如大火聚日來老僧舉揚家醜莫非正應此夢余居士云早是大地火發了也師云老僧

攝述

三才歸元錄卷四

甚麼處安身一僧進云請師再下一語師云向居士
鼻孔裏士云打失鼻孔救取眉毛師領之
士問如何是函蓋乾坤句師云撲不開如何是截斷
衆流句師云只少一點如何是隨波逐浪句師云隨
我來如何過得獨松關師云莫作假雞啼

僧問古人云父母未生已前如何是我本來面目本
來面目卽且置如何是我父母師云廁邊取

僧求開示師云誦金剛經去進云這是某甲打翻遇
來的師云打翻的禪僧豎一拳師豎兩拳云你還豎
得三個拳頭麼僧無語師喝出復云來來僧回首師
云你年多少僧云二十四歲師云二十四歲前你在
那裏僧擬議師直打出

僧問如何是金剛王寶劍師云不斬野狐精云如何
是踞地獅子師云眼如何是探竿影草師云早知汝
在途中如何是一喝不作一喝用師云要你自死
問雪覆孤峰時如何師云愁殺人問祖意教意是同
是別師云日月在天

師捫虱次聞谷師向背後拍肩一下云和尚慈悲些
師云個個見血

師過土橋看湛狀師同衆茶次師舉鼓山公案問湛

60 1 2 3 4 5 6 7 8 9 10 1 2 3 4 5 6 7 8 9 10

撰述

云一枝聖箭途中折却了也那裏是他箭折處湛無語師笑拊湛背云折却了也

有僧參次師云此事如十字街頭把勢四面有虎狼如何得條活路方免喪身失命僧云捨他哭了罷師叱云不哭你者死屍便喝出

僧問如何是生死大事師云汝今年多少僧云三十九歲師云且如三十九歲前汝在何處安身僧無語師云這個便是生死進云要見在何處迷起師舉茶杯云這個喚作甚麼僧云茶杯師云向這裏迷起聞谷師問大悲千手眼那一隻是正眼師云露天石

曰子進云意旨如何師云瞎

博山道開參次問近今佛法如何師云拄杖長一丈進云清淨雪山還有狗子也無師云不消得進云背後的禪師云兩個開擬議師便打開奪拄杖師云佛法不是這個道理侍者點茶來與這僧喫開放手而立師云多少伎倆只消老僧一杯茶便水消瓦解次日師坐次開侍立師云作麼開云問話師云問卽饒你問切不可動着舌頭開便問鑊湯爐炭時如何師云正是老僧行履處進云風清月白時如何師云其中事作麼生云人叢馬踏時如何師云誰在途中云

撰述

鶴立青松時如何師云雪下來也云澗水潺潺即不
問如何是雙髻家風師云一堆土灶萬個峰頭問大
師承嗣何人師云遠山終日看雲裏鐵牛嘶云如何
是祖師西來意師云破二作三云意旨如何師云常
言俗語開禮拜

唐禱遠居士問如何是參禪着力處師云泥牛拽鐵
磨如何是參禪險難處師云看脚下如何是參禪受
用處師云喫粥喫飯問破屋將倒時主人如何料理
師作撐勢古人云省力處便是得力處兩手撐時莫
不費力否師云倒也倒也

僧問如何是賓中主師云曾爲浪子偏憐客月下風
前幾度吟如何是主中賓師云柳葉橫肩不顧人直
入千峯萬峯去如何是賓中賓師云一片春雲飛出
嶺至今縹渺不還山如何是主中主師云眼裏瞳神
雙赤脚生來好醜任君看

僧問如何是奪人不奪境師云古寺無門春殿月鷄
鳴茆店五更霜如何是奪境不奪人師云馬蹄踏碎
中原石醉飲漁歌江上聲如何是人境兩俱奪師云
自從一去潘郎後花木無香草不青如何是人境俱
不奪師云長將日月爲天眼指出須彌作壽山

僧問如何是第一玄師云蝦蟆吞大蟲頭動尾巴顛
如何是第二玄師云赤沙畫簸箕是甚祖師意如何
是第三玄師云悔殺當年句鮎魚上竹竿如何是第一
要師云乞我一文錢十字街頭討如何是第二要
師云五更侵早起終歲忙忙了如何是第三要師云
月落不成眠書聲秋閣曉

僧問如何是雲門餅師云官巷口如何是趙州茶師
云不濕口如何是祖師西來意師云六月火燒山意
旨如何師云好下蘿蔔

僧問如何是佛師云大珠和尚道的復云會麼云不

會師云三脚蝦蟆

程季清居士問在家做工夫還成佛否師云三脚木
馬士云不會師云驢年去士禮拜

師一日與五岳居士坐次士指傍僧云這坵荒田怎
麼好師云直待春到士云春到來時如何師云犂耙
一齊出

師浴次侍者面前經過師卽跪浴鍋中問云跪卽不
問如何是祖師西來意者云大師跪起卽道師起云
道道云某甲跪大師有分師呵呵大笑

僧參師以婆子燒菴話勘之僧無語乞大師代下一
一

語師云大似商人落夜僧禮拜

僧指地上雪問云日出後如何師云一場儼懼

僧問急水灘頭下一篙如何着力師云你還打濕脚
也未僧無語師打出

郭黎眉居士問如何是無地地主人師云不居陰界
云菩薩向地獄觀化一巡誰是同伴師云眼中無珠
脚下無指云盡三界是個圓屏誰人出得師云三界
外問將來士禮拜

僧問路逢獅子時如何師卽震威一喝僧無語師打
出

俞彥直居士問祖祖相傳傳個甚麼師豎一指云這
個士云人人有這個何必要傳師云你只認得指頭
士禮拜

蔡居士與師同過放生池師問云許多魚何不放些
去士云我這裏飛去底師打一扇云還在這裏
師一日問侍者云一切說得出到此爲甚麼說不出
者云嘆師云不關口事

僧問雲生月際時如何師云甚麼時節云樹凋葉落
時如何師云鳥不宿

師問堊侍者如何是人云不逢師云不逢時如何云

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪大師語錄卷四

落日照青山師云一場懶懶望禮拜

僧問如何是休糧方師云兩粥一飯進云此理如何
師云不會嚼着一粒米進云若然一切人皆相似也
師云不墮諸數

師坐次琮侍者過師召云弘琮琮回首師打○相琮
便喝師豎拂子琮拂袖出師擣住云速道速道琮擬
開口師打兩拂云且饒你去

孤崖參茶次師將拂子案上一擊問云這一擊五家
宗是那一家崖擬議師便喝復云一擊三千里果狀
人不知

僧請益師云眼耳鼻舌六根何物也下一語看僧不
能答代云與我擢破骷髏僧云不會代云捏出汁來
衆人各相顧視師云如鴨聞雷

師方丈茶次云一人發真歸元十方虛空悉皆消殞
卽今虛空現在如何消殞弘璐云大師何得蓋面瞞
人師搖首璐云喚甚麼作虛空師休去

僧進方丈不禮拜云會得者個卽禮拜師云者個是
甚麼僧佇思師直打出方丈

伯玉透菴次公三居士茶次伯玉居士舉慧持出定
因緣師問云慧持入定數百年擊金磬出定鄧隱峰

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

倒立而化還是定不是定士無語師呼伯玉居士士應諾師云我爲你出定了也透菴云大師自起自倒師云也難得良久師問云也難得是什麼語菴云是縱語師云未在菴云是什麼語師云活埋

山齋茶次師問既是陳尊宿爲甚身子只得半截衆下語不契代云前人置得又云埋沒他不得復舉夾山掘坑因緣鄧居士云賊後張弓師云掃箒糞箕不在手居士云收師云好則好鬼窟中來的士云那裏得知師云收

僧參次問四大分離時向甚麼處去師曰棺材裏去

進云意旨如何云埋在泥裏僧禮拜師喝出

何相國方坦菴方孩未同進靜明寺師舉僧問雲門大師如何是一切智通無障礙門云掃地潑水相公來今日靜明這裏也不掃地也不潑水相公來也請下一轉語公云荒田不揀草師大笑公云這一笑是賞是罰師復笑公無語

佛祖偈贊

雪山相

用盡自己心笑破他人口六載雪山着甚死急宵向無佛處稱尊猶較些子狀雖如是衣鉢下作麼商量

撰述

方言錄卷四

當初搃碎虛空骨今日撲雲補漏天

佛

瞿曇老爺乃是世出世間天上天下大聖人廣攝四生普慈三有饒君具無量廣長舌一身多身通身是口遍恒沙世界微塵一一微塵具一口出無量音聲讚嘆莫及老爺功德不可思議豈凡夫衆生敢下語稱贊雖狀其中有一着不如徑山且道那一着閉口深藏舌安身處處牢

觀佛

佛是大覺金仙天上天下第一個老爺世間無過於

此若有口吐風雷手拈鐵棒者是我宗門下一種靈利衲僧與瞿曇老人行不到的謂之殃及兒孫事咄文殊

文殊翁文殊翁縱使騎却金毛獅子遊遍五須彌一香香水海到這裏總沒交涉不如本分衲僧住空山煨榾柮打野菜掃黃葉臥個破柴床歌吟乾屎橛活脫狂機不可禁一撻擊碎珊瑚月文殊翁文殊翁若要好思量且過一邊着

文殊師利童子

大師從何處來踞獅子之座欲往何處思惟不下或

撰述

雪舟印金卷四

要到徑山麼徑山有青獅子兒是大士之親嫡血大士莫忘記好敢問大士世尊安樂否卽今清涼山何人主持萬二千菩薩誰爲座元誰爲維那這個法門全仗大士助一臂力使我結制大衆一個個發明心地得無礙辨不思議廣說事事無礙波羅蜜門盡法界衆生皆入此宗

調師圖

稽首文殊師利大士我當親近無捨離一日一刻乃至夢寐相隨其後大士謂我言有一青獅子方得三歲汝可收訖無至損傷善調養之將來大哮吼震動寰宇一切不作法怪異之屬相聞其聲卽自調伏卽自皈依今日大士何來至此隨從多人還當說法耶還遊戲耶清涼山萬肉身菩薩其中得神通者幾幾今日請爲速說不必將前三三後三三換人眼到這裏總用不着要大士空劫已前道取一句若到不得徑山借口與大士道昨日新條斬舊令門前山岳雪堆堆

文殊大士

稽首文殊師利從何處發足到我這裏莫得尋花上苑莫得去住不安因甚麼到此死坐不起思量甚麼

60 1 2 3 4 5 6 7 8 9 70 1 2 3 4 5 6 7 8 9

撰述

寶刀師言錄卷四

物作舟作航且莫妄想照管脚下青獅子座假如坐得瞌睡你又作麼生消遣不若歸清涼山萬菩薩衆中作一條拄杖人天有眼宗通教通絕無一字滲漏始稱丈夫咄千花雨淚臺山草石上空談無舌人

普賢

這裏一物也無騎個六牙白象到此作麼遇着跛脚阿師定是一頓拄杖趁出山門饒你廣大行願不如歸去好山僧恁麼贊普賢恁麼會蘇堤風細柳花飛野鴨晝長打瞌睡

觀音大士

吾謂大士多了一件事到處被人圖寫以爲是觀音悲哉衆生不知自己六根門頭盡是觀音出現所怪大士不本分惑亂人家男女圓通訥云長安風月貴今昔那個男兒摸壁行豈不是大士多了一件事這事豈人可與可授耶大士利生不過皮毛上轉生授生以善教化以慈悲攝無量因緣終不能吐露把衆生盡底掀翻若要這樣辣手用劍刃上事畢竟輸我宗門前代諸老師佛及菩薩只可說好話說因果唱導之師而已達磨大師若無慧可尊者幾希

水墨像

支那

寶刀師言錄卷四

三

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

新編金言卷四

不見大士金色身而幸隨喜水墨像大慈悲力不思議一一音聲悉皆應牛聲馬聲及虎狼地獄種種音聲相皆是自在無畏力而能攝受諸業力牆壁瓦礫聞思修露柱頓入三摩地

稽首大悲觀自在衆生何日得解脫衆生有我不自在自在衆生無我所三界一切所有法盡是菩薩悲心應三界一切法旣空菩薩悲心亦無用莫教好肉剝作瘡瘍元無痕肉無瘢我勸菩薩早收拾放下淨瓶巖底坐善財童子學心經從來不識元字脚阿多婆牛渡大河頭角已露

繡觀音

此上座名曰觀音自洛伽山去五天竺在這裏經過無端被那鄉間人通身針劄累他善財龍女一齊叫屈不妨不妨應以婦女身得度者卽現婦女身而爲說法狀雖如是鴛鴦繡出從君看不把金針度與人大悲千手眼

問道菩薩用這許多手眼作麼汝等正不知菩薩手眼因衆生有如是差別異故菩薩應之非菩薩真有祖師云通身是手眼卽此意也雖狀其實無多子這光明中無法不具逆順斜倒差別異形隱顯出沒

60
1 2 3 4 5 6 7 8 9

70

1 2 3 4 5 6 7 8 9

80 1 2 3 4 5 6 7 8 9

影現世間衲僧到這裏徹底分明未稱奇特何以故離不得這裏衆生迷這裏墜於惡道輪轉不息菩薩達此無遮無障應化三界徹底老婆欲指衆生得個入路雖狀不得相欺眼裏耳裏鼻裏舌裏身根意根乃至運水搬柴穿衣喫飯無不是衆生大悲千手眼應用十二時故祖師云通身是手眼

觀音自觀音徑山自徑山與我毫沒交涉我若靠觀音得成佛正好做夢到彌勒快教伊收拾行脚到他方世界去不要在此礙手絆腳癡衆生受閻弄燒黃熟香熏他鼻孔咄咄

十六羅漢贊

不會參禪何其僵硬捏串數珠作人榜樣危坐念佛
舉眼無親欲行無路靠根竹杖思量甚麼倚杖思惟
手捉其物死殺不放勞他燒香塊如意燒香
端坐何爲淨心離欲都盧張嘴任渠摸索靜坐摸索
得小神通共誰酬酢擎個淨瓶自取其樂賣弄神通

靴裏動指驢年不悟一念妄起枝葉已露着靴坐受
花果

裹頭曲項大半郎當打開卷子收拾不上裹頭開卷

枯木寒巖想是此老望渠回頭直待樹倒枯木立禪
這個差異黑心臉起用塗毒藥我不如你坦臂擺藥

60 1 2 3 4 5 6 7 8 9 70 1 2 3 4 5 6 7 8 9

撰述

雪舟師譜錄卷四

手不釋卷誦白蓮經長眉幾莖勿遮眼睛

長眉捧經

老極無齒緊閉其嘴待白雲來拽杖而歸

倚杖閑坐

消遣白日手拈香爐覩不破機蘇嚕蘇嚕

捧爐默念

且莫算計如意自在坐爛石頭身心痛快

橫身石頭

猛虎拽尾且嘯而來被人簡點皮毛尚在

伏虎撥毛

捏住放行鉢盂脫蓋從此入者畜生作怪

降龍展鉢

不着兩頭中流已渡賴他頭毛末後一步

渡水捺童子頭毛

降龍贊

雲浮空而不雨龍欲降而未降長年死丁丁坐被人
喚作枯椿唯既是天台羅漢爲甚墮在丹青筆下

伏虎贊

這僧得幾許神通受用皮毛相逢黃檗老阿師折
項不道我不與你說分明記取

羅漢像

耘耘綠草細成章花蓋梧桐地作床坦臂恨人何不
會眉毛橫豎結清霜

達磨大師

墮墮墮皮鞋一隻笠一個橫在肩辛苦生思量擔
到西域去只此這個放不下誰個肯來皈依你
尊者久坐不倦爲求人故喫毒異常死亦不顧大慈

60 1 2 3 4 5 6 7 8 9 70 1 2 3 4 5 6 7 8 9

撰述

心力遍一切處到震旦國接得一個如花開敷如月
在波香海澄清燈續無數若鶴林素若妙喜祖
大膽麤心闖來東土說道有傳佛心印忒煞掉謊及
至梁王殿上有口難分自成逗漏拂袖便行啞子喫
黃瓜直入千峰萬峰冷冷落落九載秋風若無慧可
大師笑破他人口久聞擔履歸家如何還在這裏若
不是異鄉別井人將斷貫索穿却你鼻孔朝打三千
暮打八百高懸雙徑峰頭待你忍饑無暇那裏有工
夫去賣傳佛心印

人謂西來達磨我道是擔水河頭賣的客作漢自梁

至今被人畫影圖形焚香供養道是東土鼻祖不知
逗漏家風不守本分何苦得人人喫飯穿衣知時及
節你定要剜肉做瘡壓良爲賤來來去去賣弄這些
骨臭氣

大師傳佛心印來震旦國喫若干苦辣冷坐九年被
人喫作壁觀胡僧至今畫影圖形燒黃熟香供養雖
狀就中一點不好隻履西歸笑你猶有這個在
汝是梁時到我這裏舊得緊的面孔東也見你打坐
等不唧溜充奴輩道你是箇西來傳佛心印之祖師

60 1 2 3 4 5 6 7 8 9 70 1 2 3 4 5 6 7 8 9

撰述

且喜沒交涉雖然憐你辛苦多年且留你這嘴臉掛在壁角

睦州陳尊宿

這個尊宿忒殺無禮單用麤拳辣手接人若青天揮霹靂電卷星飛雲門大師被你一拶死去十分損一足左跛右跛這樣惡魔王老禿奴佛法豈如是耶相聞後世見孫也道末後有人罵你咄仁者見之謂之仁

高峰妙禪師

像藏匡山獅子峯

大師居西天自獅子巖壁立千仞之風攀躋不得苦

行一生道滿天下雙髻六載龍鬚九年未嘗一日若倦以枕子墮地打破生死鬼窟壽算五十八歲涅槃於死關全身舍塔可謂鐵成金骨刀斧斫不入面孔舍利無數光現髮根千載之下更有何人像得我師我師真我師也非稱呼之師也影子在此且道高峰主人公在何處道

龍鬚脫皮換骨向雙髻頂呵佛罵祖六年敗闕倒轉旗鎗直入深深天日獅子巖中冷冰水一十八載滯貨方纔得價若斷崖之與中峰更無得意於先師且道還有人麼臨崖看游眼特地一場愁

斷崖義禪師

這狀阿誰雪巖之孫高峰之徒中峰之兄卓然天日
若影若空遠續臨濟之風眼空四海佛祖不容千巖
坐斷粉碎鴻濛身心宇宙鼻舌俱通了無所了宗無
所宗證何三昧有神化工諸祖莫及雲深難窮斷崖
斷崖吾謂汝從

雲棲大師

這和尚出世四十九年得文字三昧捏管鐵筆把住
天下衲僧見者無不指歸淨土更不提起向上巴鼻
葛撥相逢未免跳入獅子窟裏大驚小怪和泥合水
且道以何爲驗幾回明月下親見鶴翻身
念佛法門大似懸羊頭賣狗肉開鋪四十餘年竟無
一人覲着可憐江國行人少狠藉山前多少花

幻有傳和尚

三次到龍池不曾有一字或伸一指頭草鞋脫還未
嘗說口頭禪一捏竟粉碎這樣老古錐憨過日子
冷地好思量恨心徹骨髓不用惡鉗鉗只會笑而已
笑裏有刀泥裏有刺龍池出天童棒喝西來意

密雲禪師

天童師兄還知麼徑山常罵你是個破木杓向東溪

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷之三

香木則不得西溪安能有之饒你直走之金剛際索取衣兜將來逗漏不少不肯作個本分衲僧定要賣弄笑嚴和尚家醜大唐國裏那個不知你是個破木杓

這位老兄三十年前在禹門同出山歷路隨了我走到越城尚不肯同伊說半字今日天童大作佛事闡宗揚教扭捏達磨大師鼻孔後代兒孫分疎不下何如何如

這老漢一副生鐵面皮沒些子人情一條白棒不論是佛是魔只管劈頭便打直饒打得血淋淋地猶是馬相公鐵棒又教誰喫

多年不學老胡禪且喜今朝日勝年天大事來同啼
噏草鞋不值半文錢師兄坐得好我亦徑山眠
生前作業打人罵佛其罪莫大不入天堂便入地獄
還有人相救麼直待彌勒下生水牯牛是汝同參救
取一半咄咄

橫贊豎贊贊歎不及天童山裏捏神捏怪惹得這些
削禿如蜂護王如龍護珠我看你這箇老阿師有多
少奇特要作臨濟兒孫且未夢見在

60 1 2 3 4 5 6 7 8 9 70 1 2 3 4 5 6 7 8 9

撰述

卷四

三

卷四

題大司寇廣京朱居士繞膝圖

先生之道若大樹根深錯節難指示枝葉盤桓香自
清垂垂花果皆兒孫先生之德如丘山蒼崖石壁元
尋常和風微扇薜蘿動林白扶疎明月霜水田野岸
細草綠歡娛日日閑清足上下交羅如貫珠池塘春
暖鶯雙浴歌夜不知秋水深篤湖面面藏天腹雲可
掬兮魚可呼金盤托出千年圖問道幾時來到此固
非避喧愛寂莫諸君相逢總不語舒卷且留山水居

彥直孝廉像

大心普戴惟善是崇方正生平世所珍重如花開敷

居春風中來既不留去何所從眉目儼肅如鍾在鐘
美哉此老無物可同

題葵石居士行樂

蒼崖修竹青草苔花日日春光時時風月且道君家
就地冷坐從何處到此圖眼前這些光景不肯還家
歸舍死板板轉動不得六根虛豁無分彼此諸念冰
消融通短長快哉震旦國中能得幾人像你自在倘
他年杖笠五峰東坡池上再與相見

無住沈居士小像

是真非真是幻非幻畢竟是誰具眼者看如意在手

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

有經兩函長年敷坐雲山無住先生模樣梅花枝上
冷魂飄芳草石頭舉一半

八、卷王居士小像

狗子佛性無五五二十五逼塞趙州關叮囑莫莽鹵
卽此是贊君將軍射石虎瞽爾頂門開是真相見我
自贊

這個若是雪嶠老子劈脊一棒打折你驢脚若道不
是雪嶠老子喚千手大悲菩薩來拔脫你兩莖眉毛
教你人不成人鬼不成鬼畢竟如何若何仲弓宰我
子貢子由子夏咄是何言歟天目耳長拖得遠渴龍

飲水入西湖噲哩噲哩蘇嚕蘇嚕

又 係藏徑山

這個不會佛法漢有甚巴鼻一臉清冷冷骨頭刀斧
斫不入雙髻峰獨宿一十二載壁立千仞吟風囁月
傍若無人袒胸露臂氣宇如王未得楊岐正脉坐斷
禹門活捉虎狼折腳鐺中燒盡千七百則陳爛葛藤
觸鼻生香大塊吞吐不點鹽醬一飽便休呵呵大笑
打筋斗不記數罵佛祖有來由泥團雪團一任諸人
橫嚼堅嚼神猜鬼猜取性逍遙山顛風顛今朝掇轉
船頭斬新條令循規蹈矩時時如見大賓亂髮垂肩

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9

一撰述

日日當胸叉手波瀾滄海龍蛇頭戴堯天星斗不是無錢買草鞋平生自愛赤脚走哩那裏去從容漫用株苕蒂五峰殿上好徘徊百萬杉松隨汝後

又

這個蓬頭漢真得能憎俗不俗僧不僧謗聲不絕佛法不靈若遇着臨濟老子一頓棒走得腳底無皮過滑石橋遇着寒山拾得將百千年陳爛葛藤穿却你鰲鼻牽到國清寺不要你種冬瓜便要你栽蘿蔔那許你拗折拄杖高挂鉢囊又雙手亦兩脚死立住長在人家誑飯喫咄

又 像藏雲門

坐斷雲門怪石不依倚人家破箬戶今朝湛寂六根逍遙三界獨步相逢臨濟德山叉手叮嚀莫嫌滯貨咄五五二十五

又

這漢好些無理倔僵一頭孤高一擔聊通祖佛機緣全沒普賢行願捏住文殊舌根佛法不通一線不作亂草堆頭夏蟲只愛高眠雙髻雙徑任伊五宗絕去冷冰自有無位真人徹上徹下仔細思量你是大明國裏第一等偷懶沙門如何一般有人天供養

撰述

雪舟詩錄卷四

又 倦風璞請

身自我有影從彼出苟非其狀將錯就錯從何處來
天人莫測住山四十有年走到匡廬被人圖捺青毛
獅子隨身擬似文殊菩薩或問畢竟是誰便是雙徑
峰頭千指菴中語風禪客咄惡聲遠布大明國不必
時人來摸索

序東居士圖老人像自侍於傍以爲朝夕覲面師
承故讚而書之

對面清談非佛而誰道心不易終始如一師子道合
如膠似漆今日之緣夙生植德狹路相逢或坐或立

奇哉怪哉如日如月問這是誰青獅法脈號曰知有
長居密室世出世法了狀明白不必多語罷耶一默
附贊

董其昌

精嚴戒德蕭灑宗風林居晏坐月朗春融東語西話
斷崖中峯如水入水如空度空龍象跋師子行蹤
剎那覲面歷劫無功曾經發箭以口承鋒是水乳合
非名句通吾欲著慶歷僧寶傳非斯人其誰從

又

陳繼儒

悟明心地震動人天得法於臨濟之後印證於雲棲
之前胸懷海納鋒辨河懸說法則轟擊雷電落筆則

撰述

雪舟詩集卷四

飛走雲烟不問雙鬢峯不戀千指菴不拈拂舉棒不揚目張拳語風居畔朝陽頂邊一瓢一衲一榻一椽隨機對證發衆生之藥窮因極果結震旦之緣此豈拾牙後慧弄口頭禪者耶問之徑山諸祖師點首曰其狀其狀

又

譚貞默

認得是雪老逼真面孔認不得是現成佛祖頭陀高峯替身雪山作俑舌底風吹眉毛草動撩天潑地大慈大勇旣狀棒喝兒孫那用數珠供奉石頭坐爛多年畢竟雲棲法渾

又

郭凝之

這個老人快胸直腸舌橫劔樹目閃電光面面相覬則寒冬煦日針針相對則夏月飛霜住山三十年抱孤雲獨臥應緣六十載與虎豹俱藏允矣宗門武庫法海津梁而皮相者或以爲普化之散聖而寒山之風狂噫這是徑山東坡池頭臨濟嫡派孫語風和尚而行將拈提正印重整大慧之宗綱

頌

顧鑒映

雷電之機不可擬纔落思惟千萬里凡聖無名更問

支那

雪舟詩集卷四

三

60 1 2 3 4 5 6 7 8 9 70 1 2 3 4 5 6 7 8 9

撰述

卷之四

誰脩狀貌杖竟回去春風生面花雨飛嫩綠依依樹
頭起黃雀聲中始見情殘紅半寫佳人語漚光淺澹
去還留楊柳枝枝夕陽雨歸去來今秋水深故居猶
在雲烟裏蜻蜓戀戀白蓼香蝴蝶翩翩若夢已雲門
老矣而去閃爍紅旗埋沒主今朝幸是可憐生一脉
蕭蕭竟如斯

百丈開田

掘破青山作水田風流只在鑊頭邊渾身紅雨帶歸
去脫却汗衫仔細看

熏風自南來

竹底生風暑漸消綠飄輕影有芭蕉果狀會得古人
意獨角泥牛被火燒

東山水上行

諸佛從來水上行有身無脚到如今眼前誰是我相
識同調絕無獨自吟

南泉斬猫

拾得籬根血染頭風霜飄泊幾經秋今朝坐上分明
舉月落風殘赴水流

高峰主人公

南北無門路不通分毫有主賊來攻直饒主客都星

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷四

散大似楊花趁曉風

垂問僧行頌

師室中謂衆云雲門有四問下語相當卽付鉢袋子
問除却着衣喫飯如何是你心弘歇答云二祖道底
眼孔動定時分別前境不動時落在什麼處答洎被
眼瞞又云確遊山玩水舉足動步者復是阿誰答不
問不知千般計較念從何起答覺得却來舉似

師過天童因垂四問罕有契其機者代答頌

問既是帝釋峰爲甚不持笏僧行今日放衙

善法堂中坐的人久無梳洗病支身花冠早卸春風

裏未敢峰前作侍臣

既是狀元紅爲甚喚作荔枝云降尊就卑

龐來鼎甲狀元稱心細身麤在世情脫却皮囊非是
色從前題目不容名

既是黃精爲甚是黑的云被人扭捏

無奈身將火氣蒸譬如髮落改爲僧此中滋味全歸
火莫把形容起愛憎

既是天童爲甚無面目可見云雖無面目瞞他一點
不得

假名呼作是天童面目渾如江上風萬朵白雲飛不

撰述

金言卷四

三

住與君相見在西東
僧請益舉高峰大師四問請師會頌

盡大地是箇火坑得何三昧不被燒却會同道者方
知

拈得東來又失西火坑三昧殲鷄啼高峰饒舌太多
事笑煞江西馬箇箕

人人有箇影子因甚蹋不着云蹋着卽禍生

脫空慢語得能僧有屋無家不着僧放過那邊冷來
看水花雪月夜深燈

果日當空爲甚被片雲遮却云昧語作麼

無陰陽地上過來倦煞香醪打一杯頂上門開人境
澹日輪曾受我生埋

佛祖公案總是一箇道理爲甚有明與不明云高峰
自領出去

葛藤陳爛已成灰占着唇皮鬼見摧命運不通宜守
舊山頭壁角去徘徊

偈

辭衆檀請徑山開法

午夜披雲面北斗徐徐竹裏自南還偏吾無力行河
漢若箇雄心到祖關老病祇堪隨日過清機那肯列

人間諸君欲識生前旨好聽風柯敲玉環

寄惟一上座

鵬搏曾有訂同上畫娥眉今日喜子指憑君着意爲題驪珠峰贈山幢上座

昔年辛苦一山夫奪得驪龍領下珠拋擲雙林山絕頂君家作案可爲模

寄黃海岸居士

悟得本來心無心亦無法無法無本心始了心心法
挽天童密雲和尚

同出龍池入路長吳興分袂過錢塘多年挂錫玲瓏

石今已藏身寂寞鄉雲面揭開紅日眼山眉愁斷白
花香離離一片苦心事且道何人在影堂

別天童還雙徑

塔豐事訖且抽身曉嶂重重接遠隣飄影葉乾風拭
露點衣寒翠月初新泉鳴沙澗遊山客天指肩輿過
嶺人獨抱苦心帶歸去雙眉欲解在三春

龍池掃幻有和尚塔

銅棺山下養龍池步入涼風覓我師當戶娑羅空腹
樹迎堦芳草昔人眉追思滴血曾留偈會寫傳燈嗣
法詩今日塔前成九頓流源千載繼孫兒

撰述

卷之四

三

傳佛心印

從本已來法法不立見知知見同虛空虛空何所住
懷達磨大師

荻花秋雨敷寒江心慕孤行望遠幢此去嗟嗟無別
計幾回月色到蓬窓

無相偈

我說無相法諸佛心即是諸佛無中生無相無諸佛
主人公

有僧問我主人公六月江行西北風記取當年舊公
案西山落日半邊紅

幻相偈

四大性假合愚痴着有我不知幻性因生死從茲起
無法偈

心地本無法無無說無法亦不同虛空頓狀無知覺
性相偈

有性及無性人境二俱遣卽今說性人了了無自性
心相何所有事同於兔角出種種諸法是故說性相
徑山四威儀

山中行脚健草鞋輕踏破了白雲千萬層山中住閒
送春秋去鳥不啼花落溪邊樹山中坐窗亮胡椒布

撫述

宣大市志錄卷四

虎狼歸在我簷前過山中臥直到日頭午炊粥喫隣
菴去討火

雙髻四威儀

山中行上峻嶒縛腰爛草繩思量活菜喫石壁採朱
藤山中住檀那地茆屋漏無底四壁冷蕭蕭半夜來
風雨山中坐虛空破何處覓功夫筋斗打出門天外
笑呵呵山中臥將就過着地鋪草窠衲被不遮寒猿
啼五更苦

亂髮垂垂

亂髮垂垂直到肩挺胸屋裏哭蒼天有僧問我西來

意黃老堆堆燒夜錢
亂髮垂垂直到肩白雲如水雨如烟山中一片莓苔
石滑倒野狐幾萬千
亂髮垂垂直到肩日圖三頓夜圖眠便宜一個閒身
子留在青山作鏡看

亂髮垂垂直到肩茆棚猶勝夜摩天藜羹麥飯家常
有石壁山藤豈偶狀

進開先

新作叢林事事蹉庫司無粟水無茶分明一段苦心
事那許時人磨齒牙果薦雲門胡餅話途中尚未到

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

山家

擬寒山三首

家有一庫司百般皆具足指向與人看人人信不及
貧兒甘自貧不肯回頭顧忽朝風雨打身心成露布
只爲未見君思君在長日果在毫髮間如隔千里驛
一馬生三蹄蹄用各別有時覩面來天地同黑漆
我見寒山詩字字言真實東行及西行竹筒盛敗物
飽餐殘菜渾身披破直裰化物不用情形類乎凡質
佛事

龍池掃塔今日有此宗風乃梁朝達磨大師過我東

震旦國相傳至六祖以下列爲五宗各立門庭以應
一花開五葉結果自狀成之識而今法眼尚在高麗
鴻仰杳無音信曹洞雲門依稀有人惟有臨濟一宗
沿流不止至我笑嚴師翁師翁付先師幻有和尚今
日塔前惟有徑山一人是師嫡子特具薄供分付主
山神主地神主林神主空神等護持我先師全身法
塔如今大明國內愚癡者甚多見性者甚少惟願先
師嘗寂光中加被衆生遠紹教外別傳之旨不負達
磨大師笑嚴師翁以此敬爲人天供養
上童和尚供昔日南嶽讓禪師云道一去一向不

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

見持箇信來着一僧去見他上堂出云作麼其僧如
法出衆云作麼馬祖云自從胡亂後三十年不曾少
鹽醬今日天童這裏作麼生君子千里同風某辦一
箸菜飯供養師兄雖狀無鹽醬且喜滋味馨香
爲天童和尚舉龕喝一喝云癸未二月十有三日南
山卜得一穴最吉祥地修拾精藍入天大衆請師兄
到彼安樂受用自在逍遙惟願天童香火綿綿德風
遠播相繼祖燈如帝珠聯絡不絕法界衆生俱爲瞻
仰法駕蚤臨不必躊躇復云起封塔稽首大哉俊哉
我師兄密雲和尚末法時拈出威音那邊鼻孔捏根

拄杖把住天下人舌根打人打得血淋淋地海沸山
騰乾坤黑暗猶是不肯住手復起臨濟之宗非吾兄
而誰今日退身三步藏身處沒踪跡沒踪跡處且藏
身更說一偈坐空千界月諸佛汝同儕鑿破青山面
將身就活埋復云封

爲亡僧舉龕喝一喝云此處着你不得盡情擔荷將
去且向乾柴烈火中煅煉一番復喝云水中漚滅還
歸水不涉須彌一點塵擲炬云燒
爲教梁下火死人送活人送到勝熱婆羅門作麼生
會劫火洞狀此土安隱教梁會麼生死出入遊戲之

60 1 2 3 4 5 6 7 8 9

70

1 2 3 4 5 6 7 8 9

80 1 2 3 4 5 6 7 8 9

撰述

重刊卽金石錄

三

且何苦之有擲下火把云看

舉龕若昧法師還知麼在這裏冷冷落落坐一十餘年竟不思量轉身吐氣今朝吉日良辰請向深深處安樂自在古人云欲窮千里目更上一層樓起入塔以拄杖打○相云崇禎庚辰臘月十五日去土七尺以爲窟宅若昧法師千足萬足仗人天之福惟道恣之力老人切勿佛法狠藉後代兒孫如規如則喝一喝云任他歲月遷流汝此土安隱封好

書問

辭衆檀開法徑山

凡稱善知識助佛祖揚化使衲子回心向道移風易俗古人當理之言余今嚴身無德濫廁僧倫視聽不聰幸安林下叨居雙髻雙徑三十餘年但隨緣消遣澹泊而已絕無望上之心出世之想况復佛祖門牆未可容易人天衆前福力不勝欲舉大事因緣要以機教相扣非揚揚鼓舌者擔荷大法所以閉心於風月林前孤峴獨步問水於東坡池上掬烟累手歌一聲兩聲主山神錄記殘楓紅散碧落踏秋山以無處逐狂鹿而不返夕陽西去茅亭綻衲下松枝旭日東來爛石蒼頭飛竹葉幽幽不動軒中老病扶持天台

支那

雪大師語錄卷四

三

60 1 2 3 4 5 6 7 8 9 70 1 2 3 4 5 6 7 8 9

撰述

藤杖垂垂語風石上白髮難爲蘇堤烟水道之隆替
豈常耶在人弘之耳末法下衰諸方說禪者有人焉
鹿鳴猿嘯唧唧草根則吾豈敢類聚諸方若州院之
菊花水土各異有落不落之分別且教放我深深處
鬼神覩不破無陰陽地上卓箇青檐呼不應山谷中
蓑些紅雨隨春秋以將息拈黃熟而祝聖年年如是
月月皆狀善法堂中分明舉示已上供通並是詣實
望大檀護法留我在山作千古之榜樣萬感

寄憨山大師

師老矣某何時出山方得一晤雲水繙素頗多其中

不知有一個半個爲問此事否末法澆漓難得其人
某何日潑皮大膽將十方塵刹國土鎔作一唉拋擲
座下欲師一一還我去住頭緒亦鎔作一唉擲之徑
山語風居今朝幸是無事師亦不可將本頭上現成
茶飯打發三家村裏齊公亦不許之乎者也以當生
平

與聞谷禪師

兄意欲弟晤便是舊時面孔晤作甚麼今年五十一
狂心未休歇摸着鏡中頭臨濟白拈賊雙髻毬安身
驢馬生牛月惡聲天下傳誰是親骨血有日出頭來

撰述

一棒俱打折留得趙州狗咬折乾屎橛前山與後山虎狼齊叫屈夜半捉烏雞天曉日頭出來時我獨來無口爲兄說

附石布衲余集生居士書

弟子裕拈香啓問今日是臘月八日自宋東京諸大寺於是日作浴佛會以七寶五味粥相遺沿傳至今不論木佛金佛泥佛城裏也浴山裏也浴灌頂底灌頂捧足底捧足請問水裏泥佛如何浴爐裏金佛如何浴火裏木佛如何浴祇如教中道不洗塵不洗體却向甚麼處浴起縱浴得紫金胸還

浴得白毫光麼縱浴得三十二相還浴得頂相麼卽今七寶粥供佛了未審一衆均沾也無
答石布衲

不管伊金木水火土紫磨白毫光浴不得與我收拾來一時埋向釋迦老子鼻孔裏免教惑亂人家男女在七寶粥早以吃向肚裏飽飽緩緩坐石負暄僧衆忻沾卽此是復

與何芝岳相國

老人雖在開先心居白下時與相公對談還曾見老人麼這個語話不是說道理的的真真此中面目悟

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

後人方知此段境界今相公做工夫切爲生死大事
世所希有世所難得狀要時時刻刻如救頭狀日逐
亦不必打入妄想窠裏亦不必穿鑿古人公案第得
一日因地一聲桶底爆碎自狀智慧自狀天真古人
云絕後再甦欺君不得大慧呆云士大夫參禪只圖
速效那邊這邊東覲西覲尖尖滿滿惺一肚皮壅塞
悟門反說參禪無靈驗所以難了倘肯知非把娘未
生時鼻孔一翻翻轉一切妄想惡習頓狀水冷佛亦
不要做說甚麼何相公張相公劉相公水邊林下正
好去將養聖胎養得純純熟熟出來提挈人也好不

出來也好到那時穩坐高堂方知吾不欺也囑囑
與朱廣原居士

數載不晤近來道心若何與本命元辰親徹否德尊
爵重世所希有已事不明如何排遣誦經持素叩已
而參鼓舌搖唇爲復是誰六根如舊明暗有異此中
性靈豈同妄覺當隨緣提挈勿使迷悶昔年居士到
菴余早以提省有平日在那裏過日之語彼時氣宇
頗盛總不理會以致今日有上危崖之逼塞也若肯
留心當處打徹任伊百歲千年那怕甕中走鼈他日
相逢畢竟另有一番消息

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

與圓通

十七日煩公過開先設齋大眾甚渴感謝之至老人卽欲到圓通一談奈近日幻軀覺有不快諒遲秋涼過一晤以誅曲直匡山一家無分彼此矣笑笑

復黃闍齋居士

世出世法總之不離本地豈別有佛法世法但以中心樹子不變異何懼鑊湯爐炭皆清涼國土矣有甚不快所苦者苦於不得道相應中心樹子變異耳今居士得一貫功夫奔馳山水間皆乃遊戲拄杖古人云見道忘山居士得之矣

復李夢白居士

接得尊翰數十年之慕清名方得贍地喜甚喜甚九峯是牛頭獄吏泰首座是地獄阿旁那時若無九峯扶出石霜幾被首座累他墮坑落塹幻有老人豎起拳頭且道爲九峯爲首座和尚今日拳頭在那裏大似貧兒索舊債他道個沒有曾奈拳頭何拳頭失却鼻孔元止半邊當時若是徑山劈脊便打這半邊還知痛癢麼擬議卽喝出驚起汗出夜夢不祥近今末法衰替要個真參實悟的人萬中無一此事大不容易達磨大師云行解相應是名曰祖而今人總之不

櫻述

論意識卜度生死結根縱得十分相似皮毛而已便向人前亂倣宗門掃地今日矣或堅指或喝或云和尚何不領話或打○相或拂袖便行或女人拜此等皆是滅胡種之魔子也可悲可痛嗟杜撰長老如麻似粟朽到閑先原非本意自念福薄德淺言語不重何能似古人匡宗行道帶水拖泥只可深埋山谷茅屋石鑄隨春秋問花問柳捱一日是一日有何道可悟衆生可度哉家家門前火把子那個男兒摸壁行華嚴會上無厭足王利心取肝抽腸拔舌真個是如幻三昧豈虛語哉毒恨黃元公三回五次持書徑山

盤桓三年朽不得已作遊山計還他一點道心結制一期卽還雙徑所以赴開先之請混俗塵世太宰果欲上山乞早幾日作盤桓了生死債結般若心空及第緣當自努力

復方孩未居士

接手教云云夜臥不寧日裏少困以清茶爐香對古人語句消遣夢境擾亂作張主不得此是日間意識紛飛狂馳不定日成妄想夜成夢也咄哉主人公端坐正堂風火隨我號令那許容伊聚散如大海水平平坦坦融納百川不見有已不見有彼此時秋月新

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

輝澄清皎潔靜夜寒潭湛湛地有甚外物可到這裏
我今少開方便見色聞聲時卽便拽轉提撕話頭上
生不知身老不知心逐日着衣喫飯要見是個甚麼
道理牢牢靠靠一咬咬定地水火風是我本源心地
更無別物迷之則生死始悟之卽法身佛也除四大
之外何處尋佛卽四大之內佛亦不立且道卽今落
筆把箸的復是阿誰速道速道

與蕭伯玉居士

居士西江道人也佛法中大檀越樹蔭覆苾芻我之所來開先者遊山作佛事切勿我有禪道利益人狀

而上堂小參出不得已遣日子豈有出世念而到匡
山做人不是這個道理黃元公三回五次上徑山書
不幸伊之一片苦心爲法門耳今將一年結制已竟
當抽身遊山隨緣放浪於山水間老身七十歲不隨
心而寧受人區宇耶

復金正希居士

已分中事只在舉足掉臂間無勞遠覓若將道理語
句湊泊那事轉疎轉遠矣何以故他是無滋味無道
理寂寞之鄉道理加之如何使得西來大師教外別
傳者爲此方人泥於道理文字弄得嘴頭水漉漉地

不得見性明心勞他得得過來掃除葛藤有直指人
心見性之一宗也今時士大夫做功夫圖速效喜解
說不知那事所有法無法至空界色界種種殊勝劣
緣一切沾粒他不着何以故他是無佛性無知解不
作佛不作衆生你若要親近無你親近處直饒文殊
普賢快口利辭與麼與麼不與麼不與麼與那事毫
沒交涉若有所得心欲證西來大意十萬八千未是
遠在畢竟如何畢竟要辦個冰冷心肝和前所知所
覺道理無道理乃至世諦習氣一齊掃却掃不去拚
命掃忽狀掃破釋迦頂相諸代祖師鼻孔一時穿却

快哉伯林吳居士進堂結制一月便覺心地清楚信
有此事雖與道遠宵如此朝夕做去自狀有倒斷日
子古人云但辦肯心必不相賺

與黃海岸居士

春來道體安主人公住不動地何其應緣無虧拈之
不得覩之沒形迥出天上天下作大佛事真奇特也
嗟乎此事唯佛與佛乃能知之臨濟謂之無位真人
雲門北斗裏藏身祖師呼之瞎漢者段光明容受萬
有圓照法界雪山觀明星悟此也諸代祖師東語西
話證此也十方諸佛東湧西沒說法如雲如雨說此

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

也維摩默狀契此也靈照笊籬賣弄此也百姓日用
而不知五欲三毒人我貢高迷此也末法時祖道頽
狀宗風零替夢幻泡影認爲實法自謂修證道德齊
於佛祖橫行直闖棒喝三家村婆婆媽媽騙衣索食
痛哉一宗沉之海底老人三十年來不曾見一人頂
天立地高唱祖庭披烟雲於萬里挈網宗於當世如
此法門何人不流涕痛惜者哉

與譚埽菴居士

別後不審居士道體若何老人邇來晨昏無繫寒光
野色盡爲眷屬紅黃楓葉面攤東西盡坐林間惟見

落葉三片五片鳥啼一聲兩聲時也追思物情尚有
風霜韻致草木槁潤天地豈有心使狀前承水原留
住半月甚爲適意朽何人也一老僧也住山四十載
今當行脚踏明月於萬方喙清霜於千里古人云未
有長行而不住未有長住而不行者老人得之矣笑
笑

與葵石朱居士

向承供養極感道心朽刻下居超果靜室逍遙稱嫋
萬勿慮我也居士近日道體珍重促膝高談當在何
日雖狀安居別井那能及空山一笑九十里相聞耶

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪舟詩錄卷四

四

古之藥山今之何人也三泖烟雲幾時肯撥棹否

與子容朱居士

西園吟詠秉燭夜遊誠爲快事春夏已交未見携囊
買棹大都又向楮先生處遊過了也笑笑東溪佳什
美則美矣若云更勝耶溪老人不覺噴飯子容當親
到一番始知雲門不作誑語

與祈遠唐居士

朽自去秋出山雲門挂笠日逐逍遙竟不知湘之南
潭之北也不晤居士有日矣狀無便人不及一訊刻
下息超果靜室以問柳爲生涯梅花落地無可得問
與狷菴單居士

也燕子將來蠶豆花半開矣不知居士近日佛法作
何面目門牆高廣無敢輕動笑笑

與狷菴單居士

午夜間忽有異人謂我言昔有梅花百詠流傳若再
題百絕海內可稱奇絕老人喝曰汝是何人敢向我
索詩耶其人稽首而請曰我非人也亦非天也乃梅
花神耳師以佛法利生非詩也老人諾諾卽題百絕
續之時燈下率成恐字句差落顛錯不公乞爲改正
歌

十二時歌

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

夜半子熟睡同小死驚覺起窗破風鳴紙鷄鳴丑洗
面展兩手苦追尋莫飲無明酒平旦寅眉毛眼上橫
祖師來雲門吃胡餅日出卯莫與生死拘且隨緣疑
破心了了食時辰黃花笑白蘋問何爲滿目是癡人
禹中已張三呼李四臥官街生平無個事日南午飯
飽敲漁鼓白雲歸塞斷茅菴路日昳未短策遊山去
青艸中蝦蟆隱脚底晡時申寂寞且孤吟落木響始
覺有知音日入酉暮色牽山走草蕭蕭降舍啼芻狗
黃昏戌天外黑如漆進門來一頭撞着壁人定亥法
身沒被蓋露堂堂任渠壞不壞

和趙州十二時歌

鷄鳴丑寒影燈殘窗逗漏明月堂前竹葉浮踏開天
際何會有白雲曉風布口水沸砂鑄煮南斗瞌睡思
量再上床夢中作主不唧噥平旦寅荒村破院共誰
論炊香白粥去年喫今日廚司尚見塵閒弄管字還
親山水圖中遇客頻亂髮廉纖如洒雪老來活計戴
頭巾日出卯還同昨日生煩惱有田不耕可憐生破
屋蓬塵何必掃生柴多熟飯少逐日思歸徑山老憑
他牛馬入門來那管短長法堂草食時辰鐵鉢曾持
走四鄰去年喫了菜包子今日還生舌上津角鹿少

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪舟師語錄卷四

免來頻青天白晝沒閒人偷心只在青蚨杖只畏饑
 瘡不畏嗔禹中已披了袈裟豈如此世間可畏腥羶
 僧問看東西眼若死黃廿一李十四慚愧何會有些
 子滔滔富貴傲他人兩脚長伸面上紙日南午索飯
 烏鴉無節度飛過山邊又水邊不離寸步如經註死
 猫頭酸似醋拖入肝腸苦萬苦這般供養也難消百
 鳥不來地堅固日昧未花陰掇轉南軒地饑來哈口
 西北風慚愧人天還不是只隨緣有何義渴飲曹溪
 坐不睡善法堂中無此娛一床破被壓吾背晡時申
 沽酒提壺無別人生下小兒半帶癭黑面黃眉唇皴

皴楊柳茶貴似珍烏龜露骨不露筋十字街頭癡布
 袋逢着便教乞一文日入西寂靜家風教誰守這樣
 山門影現無四大部洲豈沒有水漣漣道人口繼續
 傳燈臨濟後常用祖師一字關透得過者子胡狗黃
 昏戌山前有個維摩室珍珠等物總不逢惟見衲衣
 黑如漆腳尖頭起紅日踢出祖師聲啞啞忤逆兒孫
 林下行採花蜂去香成蜜人定亥除却魔王俱不愛
 雪山堆裏白牛眠香草纏身何必蓋獅子兒說甚戒
 打滾雲中莫作怪錦帶飄颻春雨泥牛王問取還曾
 會半夜子生死冥冥何定止可憐羊啞劫中人出格

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪人詩錄卷四

丈夫能幾幾石脚床爛蘆蔓亂草些些作蓋被自來
怪燒黃熟香絕不相聞牛糞氣

閒閒歌

心地閒不生草舊時學問多忘了尋常冷煖自家知
不去向外邊討散誕行勿繫紲蓬頭赤脚寒山樣
相逢只是笑咍咍石虎當途何足怪五峰寒雙徑杳
白雲自去松杉老幾聞山答月樓鐘古殿無僧關寂寥
梅花香不可折飛窗暗度春枝雪冷魂飄磬下樓臺
禪板蒲團閒不徹妙喜風竹籠子活人劍也臨機使
鋒鎔鮮利按龍蛇是聖是凡撞出髓何國人何國

住大唐天子原尊貴相扶同過玉河橋歷歷風霜太
狼狽東坡池舊公案烟堆千指毘盧面山根野水曲
灣灣殘塔稜層猶倔僵日放愁夜漠漠短床裯被如
何樂任他千聖出頭來我正睡濃伸兩脚

不修行歌

不修行不染汙絕壁懸巖獅子住夜深哮吼月明前
虎狼妖怪奔無路行便行臥便臥水漚一個依空聚
妄想生時諸佛與何勞卓卓如泥塑天大明日頭露
村前烟火炊無數正是山家得意時猫頭臭爛無人
顧破衣裳半節袴放愁林下會分付不向靈山受記

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪舟詩錄卷四

四

來驢胎馬腹教誰怖

示獅聲珠侍者住山

獅子兒漫哮吼莫學狐狸邊界走葛藤窠裏老成精
刺碎心肝難放手不放手病轉深尋枝討葉入荒林
一槌擊破臭糟甕大笑携筇上翠岑今日會始知情
直向匡廬峰之頂一間茅屋半間雲枯木龍吟絕人
影不求祖不求佛說甚疑情生死切番來覆去任逍
遙歷歷孤明是何物心法忘根塵寂南北東西莫分
別忽狀迸斷血腥腥明月堂中清皎潔菜飯香真快
活利鎖名羈都擺脫一個筋斗打出門五老峰前招
途中載主人

不究竟事紅紫枝頭無不是眼睛定動鬼門關塞外
烟塵何所視

不究竟理酒肆嫖坊誰讚毀山程不許夜人行天曉
還鄉能幾幾

彌勒

諸方都作十究竟歌予作不究竟

不究竟心擬思千里白雲深一重山色一重水夾竹
梅花冷獨吟

不究竟身五陰聚沫幻非真馬蹄忙殺歸家晚芳草
途中載主人

不究竟事紅紫枝頭無不是眼睛定動鬼門關塞外
烟塵何所視

不究竟理酒肆嫖坊誰讚毀山程不許夜人行天曉
還鄉能幾幾

60123456789 70123456789 80123456789

一撰述

雪舟自言錄卷四

不究竟生黃鳥聲聲楊柳新披雨蓑衣泥沒膝前村
傀儡戲初成

不究竟老面黃齒赤非草草任他歲月髑髏乾這個
何曾受顛倒

不究竟病神工難按鉢孟炳川芳甘草及當歸妙藥
難醫要死症

不究竟死世上幾人得到此三般不了可憐生業識
茫茫千萬里

不究竟苦窮通榮辱石邊火丙丁童子擬翻身時節
因緣無處躲

不究竟樂刀山劍樹何曾惡頭頭原是自家珍倒邦
剝竿早已錯

瞌睡歌

瞌睡哥瞌睡哥我欲惺惺爾欲呵不知何劫結冤家
從死至生沒奈何苦捱排逐時過又怕經行散亂多方
纔打坐上蒲團燒得寸香頸又蹉無方便驅逐他
因循歲月住巖阿剔起眉毛仔細看猶若長江水上
波心不了動干戈他本無根我自羅話頭不切境涉
境散亂如何魔復魔不必恨且支掄昏沉原是自家
人我若無心他便休一腔和氣劫前春三十載誰爲

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

隣茶來飯去並無噴空中月散主中主枕上黃梁賓
復賓今覺了主中賓穿衣喫飯更何人香嫩渾如三
月雨光虛正是五湖民賓中主寐亦親梅花枝上雪
花噴飛來山鵠白禪翁滾水一杯吟玉座瞌睡哥瞌
睡哥石人兒子木人婆赤條條地打鼾眠那管日輪
天上過堪笑諸方癡衲子都來昏散做功夫

逍遙吟

新茶嫩筍芳艸垂楊徐步山谷鐵石心腸好鳥相喚
其音丁當如何白雲飛滿眠床山下有田菜麥青黃
溪邊有屋烟樹蒼茫忽來明月池上生光誰爲侍者

松杉兩旁橫攏拄杖擊碎空王正恁麼時日出東方
如大火聚今古文章普天之樂萬歲君皇常敬常仰
竹爐生香山泉自流清聲勿狂金毛獅子哮吼高崗
驚走無路妖怪狐狸一喝兩喝佛祖潛藏無人可伴
臨濟家鄉爲衆生苦地獄天堂精神痛快煒煒煌煌
長年受用百結衣裳續祖慧命伶俐兒郎吾師授受
時刻不忘

山行吟

春雲裂破一聲鳥七片五片花飛沼清冷莓苔爛石
頭新鮮薜荔穿林杪危巖壁立不可登斗室藏身未

60 1 2 3 4 5 6 7 8 9 70 1 2 3 4 5 6 7 8 9

撰述

卷之二

四

嘗小狼虎嬉嬉印雨泥猿猱逐逐啼天曉草鞋脫落
付秋風拄杖揭開千佛杳卽此幻化空劫身有何法
則與君了吟長吟笑獨笑赤脚高歌趁鹿行罵人怪
煞無同調

居山歌

君不見好兒郎問汝何爲洗俗腸俗腸不洗神不清
到頭氣息終難忘行脚去草茫茫望烟乞食興猖狂
形骸枯盡若木偶道眼未明真可傷還只是居山強
草蓬一個毛竹牀澹泊隨緣修午供盛來滿鉢菜根
香孤屹屹豈郎當杜鵑聲裏日初長山中十日九日

雨烏花微微衲衣裳分明說不覆藏夜塘水漲白雲
鄉千峰如浪湧門外打破老僧折脚鐺

辭院歌

君不見閭浮地寬得幾杖世界不屬人商量春風秋
風有時冷黃蜂蝴蝶雙過墻小兒子誰家郎眉目分
明衣帶香手中拈却大明律何必威儀入學堂記得
起浮玉山偶狀失脚墮坑巖是則名爲教兒法返櫛
猶如脫汗衫何人會乾坤函密不通風絕聖凡琉璃
瓶碎山河雪一剎那項坐斷岳又不見本懷原是住
山翁不愛叢林愛箬蓬此來扮出不成套恨殺新城

黃元公這模樣未嘗逢一回懽喜一回空砂米炊香
生鐵屑苦死人也遇劫風將就安身一年已償債開
先作短工罪滿來春我欲去留我廬山甚不通燈下
別寫歌辭山靈土地又如何假饒住此一千歲寒斷
肺腸石屑過告訴弟告訴哥黃天放我出巖阿眉愁
終日不得快一番狼藉一番魔時運不濟遇荒歲水
陸程途數不差雲深路杳三千里好對金焦月下歌
由天命謝神祇護我還山東坡池毛竹萬竿風細細
玉蘭一樹影癡癡梵王宮裏傳寒磬飄落人間渾是
詩別大衆不須留四十年來何所求一切隨緣恁麼

過水足艸足老牯牛道人身邊空索索絕沒青蚨挂
杖頭八月秋風衣帶解一帆江水共悠悠去今去今
是時節黃花紅蓼東籬色大笑黃河水逝流千指菴
中碁奕奕

雜著

蠶角喻

佛之爲言心也以心靈故作萬物主以心明故不受
諸蘊故曰天上天下惟我獨尊佛豈有我以無我而
我空我故轉萬物爲自己無物故統四大全萬物也
旣萬物總是一心何分別而有世界衆生耶衆生世

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷之四

界本是一心因世界起便有如是若干差別差別者衆生妄也以妄性不定起種種念種種識見異生滅生而復死死而復生六道流轉汪洋不息始知世界起於衆生妄有雖曰流轉其心常故衆生不實業識所成何干於佛譬如日輪明暗虛空不動能流轉者業識自爲狀亦不外虛空別說有個流轉性既流轉者亦無自性又如雲散虛空倏忽卽無雲豈別有家鄉出沒太虛耶故曰卽佛卽心卽真卽妄也旣說佛卽心我何不見心作何色而能成佛不也佛本無相而曰卽心心無自性而曰卽佛真不別立而曰卽

妄妄不自有而曰卽真譬如大地能載草木不失其時能開合者何也若說樹性本狀而能花果樹當自成其時何假大地風霜雨露若說因大地而有功歸於地也地旣能成何不自成而來花木知否如是流轉不出因緣而別有因果也佛也衆生也俱不離因緣本源心地因緣若離心佛何在哉斯人便能坐微塵裏轉大法輪於一毫端現寶王刹今人若欲見自性明本心者先當離穢用心動靜之際下隻臂撮摩虛空用心久長慎勿退轉精勤勞役初心不遷如是趨向自狀有日一掬在手快哉始信佛祖之言不二

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

之語也嗟嗟余原住衆生地摸索聖智猜詳西來達磨傳佛心印非老人實證之旨請君勿疑蝸角者若說其有亦不必有若說其無亦不必無因以爲喻

大佛頂

任伊千聖出頭向此下不得個元字脚若論世尊所說大佛頂者乃一部楞嚴經之綱目未嘗不是狀而知楞嚴經者解楞嚴經者不可逐文字而食其糟粕也大佛頂有旨焉大佛頂者乃是十方諸佛一切衆生命根謂之貪欲坑驢馬窟地獄渣山河吠大佛頂作用之體性也何以故善惡二緣離大佛頂無別有法近與衆生爲名爲號立知見本遠至十方諸佛莫不由斯經過利生濟物諸代祖師得大佛頂續祖慧命機用全提激揚後學大佛頂者世尊影上出影夢中說夢耳他原不屬有無空等名相今世尊安名曰大抱屈無申他原不是件物而世尊安名曰佛教誰領詰他原不是落影響絕內絕外無標無示而世尊安名曰頂何人承當擔荷大佛頂耶捏目云乎哉梵語首楞嚴此言一切事究竟堅固可見十方世界一切所有之法同沤花幻影動他不得壞他不得乃至碎爲微塵尤爲小大一任撮弄眼前有法無不是究

60123456789 70123456789 80123456789

撰述

卷四

竟堅固或云依如是說竟不必修行總之堅固罪福因果無不究竟了無少法在內外經云所作業不忘果報還自受乃在大佛頂上打筋斗何患不究竟堅固哉今學道者當細察審思故曰本自無瘡勿傷之也

水喻

法身如水隨緣流止不滯一隅不拘淨穢無分別無憎愛無背向高處高平低處低平空古今而不亂治寰宇而不動水之性物之體非造化而生非雕琢而有豈可擬議而得之耶人之謂人者妄人之謂性者

虛既虛妄和合而成人何不推窮我之四大從何處起何處來假父母赤白二垢而成是則名爲一塊血肉何曾有人今之搖擺風流遊山玩水隨識妄以攀前境是則名爲識主分別業蕩婆娑生死漂溺豈真性本心有此一種若悟後人不妨於事何以故趙州和尚云汝等被十二時轉老僧轉得十二時此便是悟後人樣子

贈題子葵居士夢石譜

玄黃宇宙不可摸眼耳鼻舌安能知吾有居士最靈異翛然不滯雲水機夜深獨臥鴛湖閣神人出沒不

60123456789

70123456789

80123456789

90123456789

撰述

卷之四

可思千古萬古性一真劍鋒雖利難割水化石且教
遺在夢天明小樓紅日起

題手卷

朽自庚辰春到匡廬開先十笏山齋坐夏閒情供眼
拄杖逢人晝寢之餘山行林麓樹綠松長澗流飛瀑
無日可更山色也昨弟子三五輩談及宗門事近日
相聞禪宗行海內若白雲過太虛忽有忽無之間未
可寓也朽招隱橋引杖而歸幽狀於心卓立香氣洒
窗生平所習悉皆現前卽爲潑墨傍有僧謂朽曰老
人單丁獨處時始得今爲人天師作諸方眼豈可做

這個勾當禪和子傳將去宗門何在請暫息還徑山
一憑老人作用朽咄曰你也說得有理奈何朽不欲
作土地去若依汝輩要我板板的循規蹈矩方是佛
法不知自性中無所不有朽拈筆示之這是甚麼年
間造的僧無語劈面一掌僧忍痛作聲朽曰好山水

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

雪舟師語錄卷四



嘉禾弟子朱茂時 茂時

朱彝叔發

心敬梓 嘴嚼大師語錄四卷惟祈不昧正因庶使聯芳瓜瓞吉祥如意者

壬辰仲夏佛誕日板存楞嚴寺流通

雪大師語錄卷第四終

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

七
卷
七
十
三

七

卷
七
十
三

七